


土岐文庫
文庫17
W82
11



文庫 17
W 82
11

序

世之稱蘇黃舊矣不徒詞翰之謂惟詩亦然然蘇之詩麗而該黃之詩適而則其規模似不相埒卽山谷先生有云未聞南風歌同調廣陵散是山谷固以元祐詩人之傑自予於東坡則奉若漢魏焉且其平生服膺推轂形爲咏歌者每不敢與之並肩然則一體而同視可乎曰可蓋蘇公在翰林較黃公爲先而詩之雄悍魁傑又足以相服實則各有所擅也譬之射挽百鈞之弓爲左右射中必及的蘇之所以巧力備也若夫禮射雍容兩人固未易軒輊卽馳騁林莽間黃亦能射疏及遠發一

昭和六年二月一日贈
土岐善唐氏寄

010185188375

疊雙第獲禽之後氣力稍柔茶耳而豈其三舍避乎哉
公於詩諸體咸具而四言樂府楚騷不登者卷帖重也
且其書多漫滅難校或尚有什一之譌未敢遽信為精
確而疵累悉捐菁英獨味擷其華而落其實亦庶幾無
少戾焉不誠與蘇氏詩千載頡頏歟

雪蒼氏題



山谷詩鈔

廿三

黃庭堅字魯直分寧人游鷹皖山谷寺石牛洞樂其勝
自號山谷老人天下因稱山谷以配東坡過涪又號涪
翁第進士歷知太和哲宗召為校書郎神宗實錄檢討
官起居舍人除秘書丞國史編修官紹聖間出知宣鄂
章蔡論實錄多誣責問條對不屈貶涪州別駕安置黔
州卽日上道投牀大斲人以是賢之徽宗起監鄂州稅
歷知舒州丐郡得太平州旋罷嘗忤趙挺之及相喉除
名編管宜州卒年六十一宋初詩承唐餘至蘇梅歐陽
變以大雅然各極其天才筆力非必鍛鍊勤苦而成也
庭堅出而會萃百家句律之長究極歷代體製之變自
成一家雖隻字半句不輕出為宋詩家宗祖江西詩派



皆師承之史稱自黔州以後句法尤高實天下之奇作
自宋興以來一人而已非規模唐調者所能夢見也惟
本領為禪學不免蘇門習氣是用為病耳

柳閱展如蘇子瞻甥也其才德甚美有意於學故以
桃李不言下自成蹊八字作詩贈之

柳君文甚武武甚睥視萬人豪睥睨一作睨老氣鼓不作卷旗
解弓刀上為朝陽桐下為澗溪毛囊中有美實期子種蟠

浮陽愧嘉魚道傍多苦李古來賢達人不爭咸陽市吾子
富春秋日月東趨一作水潛聖有玉音聞道而已矣

霜威能折綿風力猶冰酒勤子來訪道楞然我何有寢興
與時俱由我屈伸肘飯羹自知味如此是道不

任世萬鈞重載言以為軒空文誤來世聖達欲無言咸池
浴日月深宅養靈根胸中浩然氣一家同化元

陸沉百世師寄食魯柳下我今見諸孫風味窺大雅大雅
久不作圖王勿成霸偉哉居移氣蘭鮑在所化

聖學魯東家恭惟同出自乘流去本遠遂有作書肆日中
駕肩來薄晚常掉臂徒囂終無贏歸矣求已事

清潤玉泉冰高明秋景晴妙年勤翰墨銀鈎爛縱橫藍田
生美璞未琢價連城息為萬乘器柱下貴晚成

八方去求道渺渺困多蹊歸來坐虛室夕陽在吾西君今
秣高馬夙駕先雞鳴慎勿取我語親行乃不迷

奉和文潛贈無咎篇末多見及以既見君子云胡不
喜為韻

喜為韻

龜以靈故焦雉以文故翳本心如日月利欲食之既後生
玩華藻照影終沒世安得八絃且以道獵衆智
談經用燕說束棄諸儒傳濫觴雖有罪末派瀾九縣張侯
真理窟堅壁勿與戰難以口舌爭水清石自見
野性友麋鹿君非我同群文明近日月我亦不如君子載
長相望逝川水汙汙何當談絕倒茗椀對鑪薰
北寺鎖齋房陳鑰時一啓晁張楚然來連壁照書几庭栢
鬱葱葱紅榴鱗多子時蒙吐佳句幽處萬籟起
先皇元豐末極厭士淺聞只今舉秀孝天未喪斯文晁張
班馬首崔蔡不足云當令橫筆陣一戰靜楚氛
張侯窘炊玉就屋得空墟但見索酒郎不見酒家胡雖肥
如瓠壺胸中殊不粗何用知如此文采似於菟

荆公六藝學妙處端不朽諸生用其短頗復鑿戶牖譬如
學捧心初不悟已醜玉石恐俱焚公爲區別不
吾友陳師道抱獨門掃軌晁張作薦書射雉用一矢吾聞
舉逸民故得天下喜兩公陣堂堂此士可摩壘

子瞻詩句妙一世乃云効庭堅體益退之戲效孟郊
樊宗師之比以文滑稽耳恐後生不解故以韻道
之

我詩如曹鄴淺陋不成邦公如大國楚吞五湖三江赤壁
風月笛玉堂雲霧窓句法提一律堅城受我降枯松倒瀾
盤波濤所春撞萬牛挽不前公乃獨力扛諸人方嗤點渠
非晁張雙但懷相識寮牀下拜老龐小兒未可知客或許
敦履誠堪婿阿英買紅纏酒缸

留王郎

純羨世所

河外吹沙塵江南水無津骨肉常萬里寄聲何由煩我隨
簡書來顧影將一身留我左右手奉承白頭親小邦王事
略盡身聲無人王甥解鞍馬夜語雞喚晨母慈家人肥女
慧男垂紳有田爲酒事豚豕及秋春生涯得如此舊學更
花新索去何草草少留慰艱勤百年才一炊六籍經幾秦
要知胸中有不與跡同陳鄙人懷妙頃聊欲連吾斤白頭一作

韻上食蓮有感

蓮實大如指分甘念母慈其房頭臍臍更深兄弟思實中
有么荷拳如小兒手令我憶衆雛迎門索梨棗蓮心政自
苦食苦何能甘甘食恐腊毒素食則懷慙蓮生淤泥中不

與泥同調食蓮誰不甘知味良獨少吾家雙井塘十里秋
風香安得同裘子歸製芙蓉裳

次韻張仲謀過圃池寺齋

詞

十年醉錦幄醱醱照金沙欲眠春風底不去留君家是時
應門兒紫蘭苗其牙只今將弟妹嬉戲牽羊車忽書滿窓
紙整整復斜斜平生悲歡事頭緒如亂麻苟祿無補報幾
成來食嗟喜君崇名節青雲似可涯我夢江湖去釣船刺
蘆花江濱開園宅畦蔗蔣黎租夢驚如昨日炊玉困京華
公來或慕羨愛我不疵瑕深念煩鄉里忍窮禁貸賒夜談
簾幕冷霜月動金蛇卽是桃李月春蟲語交加我亦無酒
飲一室可盤媯要公共文字朱墨勘舛差非復少年日聲
名取媿媿諸阮有二妙能詩定自嘉何時來煮餅蟹眼試

官茶

次韻子瞻送顧子敦河北

儒者給事中顧公甚魁偉經明往行河商略頗應史勞人
又費乏國計安能已成功渠有命得人斯可喜似聞阻飢
餘惡少驚邑里啓鑰探珠金奪懷取姝美部中十盜發一
二書奏紙西連魏河東盡齊四履此豈小事哉何但行
治水使民皆農桑乃見真儒耳
今代顧虎頭骨相自雄偉不令長天官亦合丞御史能貧
安四壁無慍可三已昨來立清班國士相顧善何因將使
節風日按千里汲黯不居中似非朝廷美大任錄萬事御
坐留諫紙發政恐傷民天步薄水履蒼生憂具魚南畝多
被水公行圖安集信目勿信耳

跋子瞻和陶詩

子瞻謫嶺南時宰欲殺之飽喫惠州飯細和淵明詩彭澤
千載人東坡百世士出處雖不同風味乃相似

送李德素歸舒城

僧夏莫問塗麥秋宜煮餅北寺旬休歸長廊六月冷簟翻
寒江浪茶破蒼壁影李侯爲我來遽以歸期請青衿廢詩
書白髮遠定省荒畦當鉅灌蠹簡要籤整挽衣不可留決
去事幽屏天恢獵德網日饒養賢鼎此士落江湖熟思令
人瘦習中吉祥宅膜外榮辱境婆娑萬物表裁刃避宵絜
人生要當學安燕不徹警古來惟深地相待汲脩綆

次韻晁仲考進士試卷

少來迷翰墨無異蟲蠹木諸生程藝文承詔當品目林敷

設箱篚賦納忽數束變名混甲乙謄寫失句讀書窓過白
駒夜几跋紅燭釣深息嘉魚攻璞願良玉談天用一律伸
詐厭重複絲布澀難縫快意忽破竹聖言裨曲學割袞綴
邪幅注金無全巧竊發或中鵠翟公辟靡老薪頽茂棧樸
御史威降霜行私不容粟吏部提英鑒片善蒙采錄博士
刈其楚銓量頗三復因人享成事賤子真碌碌

次韻答秦少章乞酒

朝事鞍馬早吏曹文墨拘初無尺寸補但於友朋踈豈知
單瓢子卧起一床書炙背道堯舜雪屋相與娛步出城東
門野鳥吟廢墟頗知富貴事勢窮心亦舒詩來獻窮狀水
餅嚼冰蔬斗酒得醉否枵腹如瓠壺亦可召西舍侯羸非
博徒

贈秦少儀

汝南許文休馬磨自衣食但聞郡功曹滿世名籍籍渠命
有顯晦非人作通塞秦氏多英俊少游眉最白頗聞鴻雁
行筆皆萬人敵吾早知有覲而不知有覲少儀袖詩來剖
蚌珠的皪乃能持一鏃與我箭鋒直自吾得此詩三日卧
向壁挽士不能寸推去輒數尺才難不其然有亦未易識

次韻子實題少章寄寂齋

虛名誤壯夫今古可笑閔屍裏萬里歸書載五車擔安知
衡門下身與天地準秦晁兩美士內行頗修謹余欲造之
深寄寂喧闐間此道一作有汲引獄戶聞笞榜
市聲雜嘲賑二生對曲肱圭玉發石蘊小大窮鵬鷃短長

見椿樅

一作付椿樅

欲聞寂時聲黃鍾在龍筍

次韻謝斌老送墨竹十二韻

古今作生竹能者未十輩吳生勒枝葉筌案遠不逮江南
鐵鉤鎖最許誠懸會燕公洒墨成落落與時背譬如劊心
松中有歲寒在湖州三百年筆與前哲配規摹轉銀鉤幽
賞非俗愛披圖風雨入咫尺莽蒼外吾子學湖州師逸功
已倍有來竹四幅冬夏生變態預知更入神後出遂無對
吾詩被壓倒物固不兩大世傳江南李正作竹自根至梢極小者一一鉤勒成謂之鐵鉤鎖自云惟柳公權有此筆法

次韻答斌老病起獨游東園

主人心安樂花竹有和氣時從物外賞自益酒中味斷枯
蟻改穴掃籜笋迸地萬籟寂中生乃見風雨至

顏徒貧樂二首

衡門低首過環堵容膝坐四傍無給侍百衲自纏裹論事
直如絃觀書曲肱卧飢來或乞食有道無不可
小山作友朋義重子與桑香草當姬妾不須珠翠粧鳥島
窺凍硯星月入幽房兒報無炊米浩歌繞屋梁

以椰子茶餅寄德孺

炎丘極木實入用隨茗椀譬如楛石砮但貴從來遠往時
萬里物今在籬落間知君一拂拭想我瘴霧顏

次韻子瞻題郭熙畫秋山

黃州逐客未賜環江南江北飽看山玉堂卧對郭熙畫發
興已在青林間郭熙官畫但荒遠短紙曲折開秋晚江村
煙外雨脚明歸雁行邊餘疊巘坐息黃甘洞庭霜恨身不

如雁隨陽熙今頭白有眼力尚能弄筆映窓光畫取江南
好風日慰此將老鏡中髮但熙肯畫寫作程五日十日一
水石

詠李伯時摹韓幹三馬次蘇子由韻簡伯時兼寄李

德素 公麟堂

太史瑱窓雲雨垂試開三馬拂蛛絲李侯寫影韓幹墨自
有筆如沙畫錐絕塵超日清爽緊若失其一望路馳馬官
不語臂指揮乃知仗下非新羈吾嘗覽觀在稠馬駑駘成
列無權奇緬懷 沙英妙質一雄可將十萬雌決非廝養
所成就天驥生駒人得之千金市骨今何有士或不價五
殺皮李侯畫隱百寮底初不自期人誤知戲弄丹青聊卒
歲身如閱世老禪師

次韻子瞻和子由觀韓幹馬因論伯時畫天馬

子闌花驄龍八尺看雲不受絡頭絲西河驄作葡萄錦雙
瞳夾鏡耳卓錫長楸落日試天步知有四極無由馳電行
山立氣深穩可耐珠韉白玉羈李侯一顧歎絕足領略古
法生新奇一日真龍入圖畫在稠羣雄望風雌曹霸弟子
沙苑丞喜作肥馬人笑之李侯論幹獨不爾妙盡骨相遺
毛皮翰林評書乃如此賤肥貴瘦渠未知况我平生賞神
俊僧中云是道林師 俊一作駿

戲和文潛謝穆父松扇

猩毛束筆魚網紙松柎織扇清相似動搖懷袖風雨來想
見僧前落松子張侯哦詩松韻寒六月火雲蒸肉山持贈
小君聊一笑不須射雉殼黃間

次韻王炳之惠玉版紙 伯虎

王侯須若緣坡竹哦詩清風起空谷古田小牋惠我百信
知溪翁能解玉鳴磻千杵動秋山裏糧萬里來輦轂儒林
丈人有蘇公相如子雲再生蜀往時翰墨頗橫流此公歸
來有邊幅小楷多傳樂毅論高詞欲奏雲門曲不持歸掃
蘇公門乃令小人今拜辱去騷甚遠文氣早畫虎不成書
勢俗董狐南史一筆無誤掌殺青司記錄雖然此中有公
議或辱五鼎榮半菽願公進德使見書不敢求君米千斛
雙井茶送子瞻

人間風月不到處天上玉堂森寶書想見東坡舊居士揮
毫百斛瀉明珠我家江南摘雲腴落磴霏霏雪不如爲公
喚起黃州夢獨載扁舟向五湖

常父答詩有煎點徑須煩綠珠之句復次韻戲答

小鬟雖醜巧粧梳掃地如鏡能檢書欲買娉婷供煮茗我
無一斛明月珠知公家亦闕掃除但有文君對相如政當
爲公乞如願作巖遠寄宮亭湖

戲呈孔毅父 平仲

管城子無食肉相孔方兄有絕交書文章功用不經世何
異絲窠綴露珠校書著作頻詔除猶能上車問何如忽憶
僧床同野飯夢隨秋雁到東湖

以團茶洮州綠石研贈無咎文潛

晁子智囊可以括四海張子筆端可以回萬牛自我得二
士意氣傾九州道山延閣委竹帛清都太微望晁旒具宮
胎寒弄明月天網不罩一日收此地要須無不有紫皇訪

問富春秋晁無咎贈君越侯所貢蒼玉璧可烹玉塵試春
色燒君曾中過秦論斟酌古今來活國張文潛贈君洮州
綠石含風漪能淬筆鋒利如錐請書元祐開皇極第八總
齊訪落詩

謝送礪賜經源揀芽

喬雲從龍小蒼壁元豐至今人未識經源包貢第一春
湘匱礪香供玉食睿息殿東金井欄甘露薦碗天開顏橋山
事嚴庀百局補袞諸公省中宿中人傳賜夜未央雨露恩
光照宮燭左丞似是李元禮好事風流有涇渭官憐天祿
校書郎親敕家庭遣分似春風飽識大官羊不慣腐儒湯
餅腸攪攪十年燈火讀令我曾中書傳香已戒應門老馬
走客來問字共載酒袁司一作補袞

以小四龍及半挺贈無咎詩用前韻為戲

我持玄圭與蒼璧以暗殺人渠不識城南窮巷有佳人不
索賓郎常晏食赤銅茗椀兩斑斑銀粟翻光解破顏上有
龍文下棋局檐囊贈君諾已宿此物已是元豐春光皇聖
功調玉燭豆子曾中開典禮平生自期莘與渭故用澆君
磊隗曾莫令鬣毛霜相似曲八團蒲聽煮湯煎成車聲繞
羊腸鷄蘇胡麻留渴羌不應亂我官焙香肥如瓠壺鼻雷
吼幸君飲此勿飲酒舊藁一作蘇藁

觀伯時書馬

儀鸞供帳養益行翰林濕薪爆竹聲風簾官燭淚縱橫木
穿石槃水渠透坐窓不遑令人瘦貧馬百贅逢一豆眼明
見此五花驄忽著鞭隨詩翁城西野桃尋小紅

次韻子瞻送李參

驥子墮地追風日未試千里誰能識習之實錄蔡皇祖斯
文如女有正色今年持臺佐春官遂失此人難塞責雖然
一閱有奇耦博懸於投不在德君看巨浸朝百川此豈有
意潢潦前願為蘇豹獫文隱莫愛風蟬蛻骨仙

次韻子瞻寄眉山王宣義

參軍但有四立壁初無臨江千木奴白頭不是折腰具桐
帽棕鞵稱老夫滄江鷗鷺野心性陰壑虎豹雄牙須鸚鵡
作裘初服在猩血繫帶鄰翁無昨來杜鵑勸歸去更得把
酒聽提壺當今人何不乏使天上二老須人扶兒無飽飯
尚勤書婦無複禪且著襦社壻可流溪可漁更問黃雞肥
與癯林間醉著人夜木猶夢官下聞追呼萬釘圍腰莫愛

渠富貴安能潤黃墟

聽宋宗儒摘阮歌

翰林尚書宋公子文采風流今尚爾自疑耆域是前身囊
中探丸起人一作死貌如千歲枯松枝落魄酒中無定止
得錢百萬送酒家一笑不問今餘幾手揮琵琶送飛鴻促
絃聒醉驚客起寒蟲催織月籠秋獨雁叫羣天拍水楚國
羈臣放十年漢宮佳人嫁千里深閨洞房語恩怨紫燕黃
鸝韻桃李楚狂行歌驚市人漁父挈舟在葭葦問君枯木
著朱繩何能道人意中事若言此物傳數姓玄壁與庚有
橫理閉門三月傳國工身今親見阮仲容我有江南一丘
壑安得與君醉其中曲肱聽君寫松風琵琶一作阮咸

答黃冕仲索煎雙井并簡揚休

詩少

十一

江夏無雙乃吾宗同舍頗似王安豐能澆茗地滿我風
袂欲挹浮丘翁吾宗落筆賞幽事秋月下照澄江空家山
鷹爪是小草敢與好賜雲龍同不嫌水厄幸來辱寒泉湯
鼎聽松風夜堂朱墨小燈籠惜無纖纖來捧椀唯倚新詩
可傳本

再答晁仲

丘貉詩書誰數窮田園芋栗頗時豐小桃源口雨繁紅春
溪蒲稗沒息翁投身世網夢歸去摘山鼓聲雷隱空秋堂
一笑共燈火與公草木臭味同安用茗澆磊隤曾他日過
飯隨家風買魚貫柳雞著籠更當力貧開酒椀走謁鄰翁
稱子本

戲答陳元興軒

平生所聞陳汀州蝗不入境年屢豐東門拜書始識面鬢
髮幸未成老翁官囊同盤厭腥膩茶甌破睡秋堂空自言
不復蛾眉夢枯淡頗與小人同但憂迎笑花枝紅夜窓冷
雨打斜風秋衣沉水換薰籠銀屏宛轉復宛轉意根難拔
如薤本

考試局與孫元忠博士竹間對窓夜聞元忠誦書聲

調悲壯戲作竹枝歌三章和之

南窓讀書聲吾伊北窓見月歌竹枝我家白髮問烏鵲他
家紅粧占蛛絲
屋山晴鳥兒當歸玉釵罥蛛郎馬嘶去時燈火正月半階
前雪消登草齋
勃姑夫婦喜相喚街頭雪泥即漸乾已放遊絲高百尺不

應桃李尚春寒

王稚川既待得一作官都下有所盼未歸予戲作林夫

人歎乃歌二章與之竹枝歌本出三巴其流在湖

湘耳歎乃乃湖南歌也歎音喚乃音蕪

花上蘆蘆人不歸棗下萼萼實已垂臘雪在時聽馬嘶長

安城中花片飛

從師學道魚千里蓋世成功黍一炊日日倚門人不見看

盡林鳥反哺兒

演雅

桑蠶作繭自纏裹珠箔結網工遮邏燕無居舍經始忙蝶

為風光勾引被老鷄銜石宿水飲穉蜂趨衙供蜜課鶻傳

吉語安得閒雞催晨興不敢卧氣陵千里蠅附驥枉過一

生蟻旋磨蝨聞湯沸尚血食雀喜宮成自相賀晴天振羽

樂蜉蝣空穴祝兒成螺贏蝓轉丸賤蘇合飛蛾赴燭甘

死禍并邊蠹李螬苦肥枝頭飲露蟬常餓天螻伏隙錄人

語射工含沙須影過訓狐啄屋真行怪嘯蛸報喜太多可

鷓鴣密伺魚蝦便白鷺不禁塵土浣絡緯何嘗省機織布

穀未應勤種播五技鼯鼠笑鳩拙百足馬駭憐驚跛老蚌

胎中珠是賊醢雞瓮裏天幾大螳螂當轍恃長臂熠燿宵

行驚照火提壺猶能勸沽酒黃口只知貪飯顆伯勞饒舌

世不問鸚鵡纔言便關鎖春蛙夏蝮更嘈雜土蚓壁蟬何

碎瑣江南野水碧於天中有狎鷗閒似我卿一作自

戲答趙伯充勸莫學書及為席子澤解嘲叔遠廷堂

平生飲酒不盡味五鼎餽肉如嚼蠟我醉欲眠便遣客三

年窺牆亦面壁空餘小來翰墨塲松烟兔穎傷明窓偶隨
兒戲洒墨汁衆人許在崔杜行晚學長沙小三昧幻出萬
物真成狂龍蛇起陸雷破柱自喜奇觀繞繩牀家人罵笑
寧有道汚染黃素敗粉牆誠不如南隣席明府蛛網鎖硯
蝸書梁懷中探丸起九死才術頗似漢太倉感君詩句喚
夢覺邯鄲初未熟黃梁身如朝露無牢強玩此白駒過隙
光從此永明書百卷自公退食一爐香

出城送客過故人東平侯趙景珍墓

朱顏苦一作留不宥住白髮政爾欺得人嬋娟去作誰家
妾意氣都成一聚塵今日牛羊上丘壟當時近前左右噴
花開鳥啼荆棘裏誰與平章作好春

題小猿叫驛

知命

大猿叫罷小猿啼箐裏行人白晝迷惡藤牽頭石罅足嫗
牽兒隨淚錄續我亦下行莫啼哭

王充道送水仙花五十枝欣然會心爲之作詠

凌波仙子生塵襪水上輕盈步微月是誰招此斷腸魂種
作寒花寄愁絕含香體素欲傾城山礬是弟梅是兄坐對
真成被花惱出門一笑大江橫

武昌松風閣

依山築閣見平川夜闌箕斗掩屋椽我來名之意適然老
松魁梧數百年斧斤所赦今參天風鳴嫺皇五十絃洗耳
不須菩薩泉嘉二三子甚好賢力貧買酒醉此筵夜雨鳴
廊到曉懸相看不歸卧僧壇泉枯石燥復潺湲山川光輝
爲我妍野僧早飢不能餽曉見寒谿有炊煙東坡道入已

沉泉張侯何時到眼前釣臺驚濤可畫眠怡憂着象蛟龍
纏安得此身脫拘攀舟載諸友長周旋

次韻文潛

武昌赤壁弔周郎寒溪西山尋漫浪忽聞天上故人來呼
船凌江不待餉我瞻高明少吐氣君亦歡喜失微恙年來
鬼祟覆三豪詞林根柢頗搖蕩天生大材竟何用只與千
古拜閣像張侯文章殊不病歷險心膽元自壯汀洲鴻雁
未安集風雪牖戶常寒向有人出手辦茲事政可隱几窮
諸妄經行東坡眠食地拂拭寶墨生楚愴水清石見君所
知此是吾家秘密藏

閣像一作遺像

書磨崖碑後

春風吹船著浯溪扶藜上讀中興碑平生半世看墨本摩

挈石刻髻成絲明皇不作包桑計顛倒四海由祿兒九廟
不守乘輿西萬官已作烏擇栖撫軍監國太子事何乃趣
取大物爲事有至難天幸爾上皇跼躅還京師內間張后
色可否外間李父頤指揮南內淒涼幾苟活高將軍去事
尤危臣結春陵二三策臣甫杜鵑再拜詩安知忠臣痛至
骨世上但賞瓊琚詞同來野僧六七輩亦有文士相追隨
斷崖蒼蘚對立久凍雨爲洗前朝悲

再答元輿

君不能入身帝城結子公又不能擊強有如諸葛豐法當
樵悴百寮底五十天涯一秃翁問君何自今爲郎便殿作
賦聲摩空偶然樽酒相勞苦牛鐸調與黃鐘同安得朱轡
各憑熊江南樓閣白蘋風勸歸啼鳥曉窓籠男兒邂逅功

補衮鳥倦歸巢葉歸本

送王郎

酌君以蒲城桑落之酒泛君以湘纍秋菊之英贈君以黟川點漆之墨送君以陽關墮淚之聲酒澆胷中之磊隗菊制短世之頽齡墨以傳千古文章之印歌以寫一家兄弟之情江山萬里頭俱白骨肉十年眼終青連牀夜語雞戒曉書囊無底談未了有功翰墨乃如此何恨遠別音書少炒沙作糜終不飽鏤冰文章費工巧須要心地收汗馬孔孟行世日杲杲有弟有弟力持家婦能養姑供珍鮭兒大詩書女絲一作桑麻公但讀書煮春茶

送舅氏野夫之宣城二首

李莘

籍甚宣城郡風流數貢毛霜林收鴨脚春網薦琴高共理

須良守今年輟省曹平生割雞手聊試發劘刀

試說宣城郡停杯且細聽晚樓明宛水春騎簇昭亭祀經豐圩戶桁楊卧訟庭謝公歌舞處時對換鸚經

次韻崔伯易席上所賦因以贈行二

迎新與送故渠已不勝勤民賣腰間劔公寬柱後文諸郎投賜沐高會惜臨分去國雖千里分憂卽近君

次韻秦少章晁適道贈答詩

二子論文地陰風雪塞廬寧穿東郭履不奉子公書士固難推挽時聞有詔除負暄真得計獻御恐成疎

次韻答高子勉

君不居郎省還應上諫坡才高殊未識歲晚喜無它歷馬羸難出鄰雞凍不歌寒爐餘幾火灰裏撥陰何

志士難推轂將如高子何心期誠不淺餘論或相多欲向
滄洲去還能小艇麼鷓鴣西照處相並晒漁蓑

次韻柳通叟寄王文通

故人昔有凌雲賦何意陸沉黃綬間頭白眼花行作吏見
婚女嫁望還山心猶未死杯中物春不能朱鏡裏顏寄語
諸公官前被割雞令得近鄉關

次韻王定國揚州見寄

清洛思君晝夜流北歸何日片帆收未生白髮猶堪酒垂
上青雲却佐州飛雪堆盤鱸魚腹明珠論斗煮雞頭平生
行樂自不惡豈有竹西歌吹愁

寄黃幾復

我居北海君南海寄雁傳書謝不能桃李春風一杯酒江

湖夜雨十年燈持家但有四立壁治病不斬三折肱想得
讀書頭已白隔溪猿哭瘴溪藤

次韻幾復和答所寄

海南海北夢不到會合乃非人力能地褊未堪長袖舞夜
寒空對短檠燈相看鬢髮時窺鏡曾共詩書更曲肱作箇
生涯終未是故山松長到天藤

寄上叔父夷仲二首

少年有功翰墨林中歲作吏幾陸沉庖丁解牛妙世故監
市履稀知民心萬里書來兒女瘦十月山行冰雪深夢魂
和月遶秦隴漢節落毛何處尋

關寒塞雪欲嗣音燕雁拂天河鯉沉百書不如一見面幾
口歸來兩慰心弓刀陌上望行色兒女燈前語夜深更曠

父子東歸得手種江頭柳十尋

次韻宋林宗儼居甘泉坊雪後書懷

漢家太史宋公孫漫逐班行謁帝關
燕領封侯空有相蛾眉傾國自難昏
家移四壁書侵坐馬瘦三山葉擁門
安得風帆隨雪水江南石上對窪樽

馬瘦一作馬尊

次韻宋林宗三月十四日到西池都人盛觀翰林公

出遊

金絨繫馬曉鶯邊不比春江上水船
人語車聲喧法曲花光樓影倒晴天
人間化鶴三千歲海上看羊十九年
還作遨頭驚俗眼風流文物屬蘇仙

次韻楊君全送酒長句

扶衰却老世無方唯在君家酒未嘗
秋入園林花老眼茗

搜文字響枯腸醉頭夜雨排簷滴
盃面春風繞鼻香不待澄清遣分送
定知佳客對空觴

贈李輔聖

交蓋相逢水急流八年今復會荆州
已回青眼追鴻翼肯使黃塵沒馬頭
舊管新收幾粧鏡流行坎止一虛舟
相看絕歎女博士筆硯管絃成古丘

女博士謂輔聖後房孔居也於文藝無不妙絕

和高仲本喜相見

雨昏南浦曾相對雪滿荆州喜再逢
有子才如不羈馬知公心是後彫松
閒尋書冊應多味老傷人門似更慵
何日晴軒觀筆硯一尊相屬要從容

新喻道中寄元明用觴字韻

中年畏病不舉酒孤負東來數百觴
喚客煎茶山店遠看

山谷詩錄 卷之八
人秧稻午風涼但知家裏俱無恙不用書來細作行一百
八盤攜手上至今猶夢遶羊腸

湖口人李正臣蓄異石九峰東坡先生名曰壺中九
華并爲作詩後八年自海外歸過湖口石已爲好
事者所取乃和前篇以爲笑實建中靖國元年四
月十六日明年當崇寧之元五月二十日庭堅繫
舟湖口李正臣待此詩來石旣不可復見東坡亦
下世矣感歎不足因次前韻

有人夜半持山去頓覺浮嵐暝翠空試問安排華屋處何
如零落亂雲中能迴楚壁人安在已入南柯夢不通賴有
霜鍾難席卷袖椎來聽響玲瓏

追和東坡題李亮功歸來圖

今人常恨古人少今得見之誰謂無欲學淵明歸作賦先
煩摩詰畫成圖小池已築魚千里隙地仍栽芋百區朝市
山林俱有累不居京洛不江湖

王才元惠梅花三種皆妙絕戲答三首

城南名士遣春來三月乃見臘前梅定知鎖著江南客故
放綠稍春晚回稍一作陰

舍人梅塢無關鎖攜酒俗人來未曾舊時愛菊陶彭澤今
作梅花樹下僧

病狀中歲屏栢杓百葉細梅觸撥人拂殺官黃春有息滿
城桃李不能春殺一作掠

題伯時畫頓塵馬

竹頭搶地風不舉文書堆案睡自語忽看高馬頓風塵亦

思歸家洗袍袴

竹枝詞二首

古樂府有巴東三峽巫峽長猿鳴三聲淚霑裳但以抑怨之音和爲數疊惜其聲今不傳予自荊州上峽入黔中備嘗山川險阻因作二疊傳與巴娘令以竹枝歌之前一疊可和云鬼門關外莫言遠五十三驛是皇州後一疊可和云鬼門關外莫言遠四海一家皆弟兄或各用四句入陽關小秦王亦可歌也

撐崖拄谷蝮蛇愁入箐攀天猿掉頭鬼門關外莫言遠五十三驛是皇州

浮雲一百八盤檠落日四十九渡明鬼門關外莫言遠四海一家皆弟兄

予既作竹枝詞夜宿歌羅驛夢李白相見於山間曰

予往謫夜郎於此聞杜鵑作竹枝詞三疊以傳之

不予細憶集中無有請三誦乃得之

一聲望帝花片飛萬里明妃雪打圍馬上 兒那解聽琵琶應道不如歸

竹竿坡面蛇倒退摩圍山腰胡孫愁杜鵑無血可續淚何日金雞赦九州

命輕人鮮甕頭船日瘦鬼門關外天北人墮淚南人笑青壁無梯聞杜鵑

題驢瘦嶺馬鋪

知命

老馬飢嘶驢瘦嶺病人生入鬼門關病人甘作五溪卧老馬猶息十二關

風餐水宿六千里蛇退猿愁百八盤上得坡來聽歡喜摩圍依約見峰巒

上南陵坡 知命

病起荆江亭卽事十首
翰墨場中老伏波菩提坊裏病維摩近人積水無鷗鷺時有歸牛浮鼻過

維摩老子五十七天子大聖初元年傳聞有意用幽側病著不能朝日邊

禁中夜半定天下仁風義氣徹脩門十分整頓乾坤了復辟歸來道更尊

成王小心似文武周召何妨略不同不須要出我門下實用人材卽至公

司馬丞相昔登庸招用元老超羣公揚 當朝天下喜

碑零落卧秋風 音一作驟

死者已死黃霧中三事不數兩蘇公豈謂高才難駕御李

歸萬里白頭翁 謂一作爲

文章韓杜無遺恨草詔陸贄傾諸公玉堂端要真學士須得儋州秃髻翁

閉門覓句陳無已對客揮毫秦少游正字不知溫飽未西

風吹淚古藤州 吹一作揮

張子耽酒語蹇吃聞道穎州又陳州形模彌勒一布袋文字江河萬古流

魯中狂士邢尚書本意扶日上天衢停夫若在鑄此老不令平地生崎嶇 生一作成

謝答聞善二兄

身入醉鄉無畔岸心與歡伯為友朋更關罵坐客星散午
過未蘇髮鬢鬢

羣猪過飲尚可醉疥手輟甕庸何傷柳家兄弟大廻窄狂
藥不容人發狂

公擇醉面桃花紅人百杵之無慍容莘老夜關傾數斗焚

香默坐日生東

李公擇尚書
孫莘老中丞

推牀破面棖觸人作無義語怒四鄰尊中歡伯笑爾輩我
本和氣如三春

陶令舍中有名酒無夕不為父老傾四坐歡欣觀酒德一
燈明暗又詩成

次韻向何鄉行松滋縣與鄒天錫夜語南極亭

衝風衝雨走七縣唯有白鷗盟未寒坐中更得江南客開
盡南窓借月看

戲簡朱公武劉邦直田子平

朱公趨朝瘦至骨歸來豪健踞胡床日看省曹闈者面何
如田家侍兒粧

戲贈米元章二首

萬里風帆水着天麝煤鼠尾過年年滄江靜夜虹貫月定
是米家書畫船

我有元暉古印章印刻不忍與諸郎虎兒筆力能扛鼎教
字元暉繼阿章

往歲過廣陵值早春嘗作詩云春風十里珠簾捲鬢

鬢三生杜牧之紅藥梢頭初鬢栗揚州風動鬢成

絲今春有自淮南來者道揚州事戲以前韻寄王定國二首

淮南二十四橋月馬上時時夢見之想得揚州醉年少正圍紅袖寫烏絲日邊置論誠深矣聖處時中乃得之莫作秋蟲促機杼貧家能有幾絢絲

從張仲謀乞臘梅

聞君寺後野梅發香蜜染成官樣黃不擬折來遮老眼欲知春色到池塘

寄杜家父二首

紅紫爭春觸處照九衢終日犢車雷閒情欲被春將去鳥喚花驚只麼回

風塵點汗青春面自汲寒泉洗醉紅徑欲題詩嫌浪許杜郎覓句有新功

寺齋睡起

桃李無言一再風黃鸝唯見綠恁恁人言九事八為律倘有江船吾欲東

次韻王稚川客舍

身如病鶴翅翎短心似亂絲頭緒多此曲朱門歌不得湖南湖北竹枝歌

六月十七日晝寢

紅塵席帽烏韉裏想見滄洲白鳥雙馬齧枯筭誼午枕夢成風雨浪翻江

王楊康國

君家秋實羅浮種已作纍纍半拂墻莫遣兒童酸打盡要
看霜後十分黃

雨中登岳陽樓望君山二首

投荒萬死髣毛斑生入瞿塘灑灑關未到江南先一笑岳
陽樓上對君山
滿川風雨獨凭欄結結湘娥十二鬟可惜不當湖水面銀
山堆裏看青山

寄賀方回

少游醉卧古藤下誰與愁眉唱一盃解作江南斷腸句只
今唯有賀方回

戲答王子予送凌風菊二首

病來孤負鷓鴣約禪板蒲團入眼中浪說閒居愛重九黃

花應笑白頭翁

王郎頗病金瓢酒不耐寒花晚更芳瘦盡腰圍怯風景故
來歸我一枝香

次韻文潛立春日絕句

渺然今日望歐梅已發皇州首更回試問淮南風月主新
年桃李爲誰開

求范子默染鴉青紙

學似貧家老破除古今迷忘失三餘極知鴛白非新得漫
染鴉青襲舊書老一作免

伯時彭蠡春牧圖

岳陽樓上春已歸湖中鴻雁拍波飛布帆天濶隨身道石
林風晚吹人衣春水初生及馬腹浮灘欲上西山麓遙看

絕嶺秀雲松上有垂蘿暗溪谷沙眠草嚙性不驕側身注
目鳴相招林間瞥過星爍爍原上獨立風蕭蕭君不見中
原真種 塵沒南行市骨何蒼卒祇收力健載征夫宵向
時危辨奇骨卽今貢馬西北來東西坊監屯雲開紛然駑
驥同一秣爾可不憂四蹄脫

臨河道中

村南村北禾黍黃穿林入塢岐路長據鞍夢歸在親側弟
妹婦女笑兩廂甥姝跳梁暮堂下唯我小女始扶床屋頭
撲棗爛盈斗嬉戲喧爭挽衣裳覺來去家三百里一園兔
絲花氣香可憐此物無根本依草着木浪自芳風煙雨露
非無力年年結子飄路傍不如歸種秋栢實他日隨我到
冰霜臨河屬開德路由河隄今集中有曹村道中一首瓜
田餘蔓有荒籠梨子壓枝鋪短牆明月風烟如夢寐

平生親舊隔湖湘是也蓋經行先曹村後臨河故前
覺來去家三百里之句指大名也

觀劉永年團練畫角鷹

劉侯才勇世無敵愛畫工夫亦成癖弄筆掃成蒼角鷹殺
氣稜稜動秋色爪拳金鈎背屈鐵萬里風雲藏勁翮兀立
槎枒不畏人眼看青冥有餘力霜飛晴空塞艸白雲垂四
野陰山黑此時軒然盍飛去何乃噴帆立西壁祇應真骨
下人世不謂雄姿留粉墨造次更無高鳥喧等閒亦恐狐
狸赫旁觀未必窮神妙乃是天機貫胸臆瞻相突兀摩空
材想見其人英武格傳聞揮毫頗容易持以與人無甚惜
物逢真賞世所珍此畫他年恐難得

同宋景瞻分題汴上行

東風何時來堤柳芳且柔河水日已銷漫漫春水流寒梅

山名詩錄
未被萼芳草綠猶稠歲月不我還念此人生浮高車無完
輪積水有覆舟鹿門不返者誰得從之游

奉答固道

平生湖海漁竿手強學來操製錦刀末俗相看終眼白古
人不見想山高未乘春水歸行李倘得閒官去坐曹自是
無能欲樂爾煩君錯爲歎賢勞

次韻公秉子由十六夜憶清虛

九陌無塵夜際天兩都風物各依然車馳馬逐燈方鬧地
靜人閒月自妍佛館醉談懷舊歲齊宮詩思鎖今年但聞
公子微行去門外驂驪泣繡韉

謝王烟之惠茶

平生心賞建溪春一丘風味極可人香包解盡寶帶勝
面碾出明窗塵家園鷹爪改唯冷官焙龍文常食陳於公
歲取涇源足勿遣沙溪來亂真

還家呈伯氏蒙縣作

去日櫻桃初破花歸來着子如紅豆四時驅迫少須臾兩
鬢飄零成老醜永懷往在江南日原上急難風雨後私田
苦薄王稅多諸弟號寒諸妹瘦扶將白髮渡江來吾二人
如左右手苟從祿任我還回且慰家貧兄孝友強趨手板
汝陽城更責愆期被訶詬法官毒螫草自搖丞相霜威人
避走賤貧孤益如此此事端於我何有一囊粟麥七手
錢五人兄弟二十口官如元亮且折腰心似次山羞曲肘
北窗書冊久不開篋篋黃塵生鍊鈕何當略得共討論况
迺雍容把杯酒意氣敷腴貴壯年不早計之且衰朽安得

短船萬里隨江風養魚去作陶朱公班衣奉親伯與儂四方上下相依從用舍由人不由已迺是伏轅駒犢耳

次韻時進叔二十六韻

時子河上園竹間開棟宇大兒勝衣冠小兒豐頰輔嫁女與朱公伏臘可稱舉髮疎雖蒼齒嚼未齟齬雞栖牛羊下各自有室處四墻規模小易守若滕宮舍前花木深春物麗觀觀舍後曲池哇齊堂風月苦此豈不足歎歎歲不我與客宦孤雲耳未知秦吳楚向來千駟公果愧一丘土寧當損軒昂聊欲效俯偃時子欣然笑吾已寤倉鼠少猶守章句晚實愛農圃鵲巢最知風蟻穴識陰雨世網事諸委醉鄉俗淳古坐忘兩家說肉堅與腸腐酒至即便傾客來敢辭窶時邀五柳陶共過三徑詔往在少年場

穎汝借令今尚爾真復難其語稍知憐麴蘖漸解等灘港朋友半山阿光陰共行旅人故義當親衣故義當補飛鳧王令尹期我向君所君為拂眠床淹留莫成阻水自河出為離自濟

招子高二十二韻兼簡常甫世弼

我行向厭次夏扇日在搖甘瓜未除壘高柳尚鳴蜩駕言聊攝歸飛霜曉封條負薪泣裘褐公子御狐貂歲月坐晚晚鬢顏颯然凋道德千古事斯文非一朝往者我不及後生多見超吾黨二三子士林聳孤標小謝抱周易忘言獨叅寥崔郎楚左史二典考舜堯王生風雅學談辯秋江潮洒筆驚有司小敵謂可驕安知樗蒲局臨關敗三臯三生數步隔屢赴茗椀邀小謝殊未來我覺百里遙問之憂菽

水心慮極無聊父憐母不訶日以濁酒澆此道如鼎實念
子羹未調古來有親養回也樂一瓢不田鶉生實在物乃
為祇吾言有師承可信如斗杓詩以解子憂亦用當子招

林爲之送筆戲贈

閻生作三副規摹宣城葛外貌雖銑澤毫心或粗糲巧將
希粟尾拙迺成棗核李慶縛散卓含墨能不洩病在惜白
毫往往牛巧拙小字亦周旋大字難曲折時時一毛亂迺
似逆梳髮張鼎徒有表徐偃元無骨模畫記姓名亦可應
倉卒爲之街南居時通鈴下謁晴軒坐風涼怪我把枯筆
開囊撲蠹魚遣奴送一束洗硯磨松煤揮洒至日沒蚤年
學屠龍適用固疎濶廣文困齏鹽烹茶對秋月略無人問
字况有客投轄文章寄呻吟講授費頰舌閒無用心處雌

黃到筆墨時不與人游孔子尚愛日作詩當鳴鼓聊自攻
短闕

再和答爲之

君勿嘲廣文沍寒被締葛君勿嘲廣文窮年飯糗常恐
俎豆予與世充肴核凡木不願材大折小枝洩櫟依曲轅
社聊用神其拙吾家本江南一丘藏曲折瀕溪蔭蒼葭蕭
洒可散髮旣無使鬼錢又無封侯骨薄祿庇閒曹且免受
逼卒爲此懶出門徒敝懷中謁直齋賓客退風物俱落筆
詩成著牀頭不知今幾束君何回予勤見詩歎埋沒嗣宗
須酒澆未信曾懷濶自狀一片心碧潭浸寒月令德感來
教爲君賦車轄君息揚雄叱何似張儀舌此意恐大狂願
爲引繩墨政使此道非改過從今日報章望瓊琚勿使音

塵關

再和答爲之

林君維閩英數面成瓜葛鄰居接杖藜過飯厭疎糲讀書
 飽工夫論事極精核奮身君子場勇若怒未洩窮年栖旅
 巢由命非由拙王良驅八駿方駕度九折學堂疎雨餘石
 砌長苔髮弟子肥如瓠先生瘦唯骨林君在朱氏講授夫氏兒皆面白豐肥而
林君如此門一都會塵埃人卒卒高蓋如秋荷勢利相奔
 謁唯君尚寂寞來觀草玄筆斯文未易陳政當高閣束金
 馬事陸沉市門逐乾沒須相賢愚聊自嘲迂濶憶昨戲
 贈詩迺辱報明月極知推挽意我車君欲轄屠龍真狂言
 奔馬不及舌賜書盈五車直舍方二墨會意便欣然餘事
 過窗日尚恐素餐錢諸生在城關

次韻感春

張侯脫朝衣兒褐多純綠聞道無米春煮木學辟穀官吏
 但索錢詔書哀婢獨東方長九尺不得侏儒祿屋中聲鵝
 雁日暮攬心曲窮巷無桃李緼袍非春服我吟白駒詩知
 君在空谷

茶如鷹爪拳湯作蟹眼前時邀草玄客晴明坐南軒笑談
 非世故獨立萬物先春風引車馬隱隱何闐闐高蓋相磨
 憂騎奴爭道喧吾人撫榮觀宴處自超然城中百年木有
 鵲巢其顛鳴鳩來相宅日莫更謀遷

謝張泰伯惠黃雀鮓

去家十二年黃雀慳下筯笑開張侯盤湯餅始有助蜀王
 煎菽法醯以羊蕪兔俗謂亥卯未醞鮓麥餅薄於紙含漿和醎酢

秋霜落場穀一一挾蠶絮殘飛蒿艾間入網輒萬數烹煎
宜老稚甞金煩愛護南包解京師至尊所珍御玉盤登百
十睥睨輕桂蠹五侯噉豢豹見謂美無度瀕河飯食漿瓜
藟已佳茹誰言風沙中鄉味入供具坐令親饌甘更使客
得與蒲陰雖窮僻勉作三年住願公且安樂分寄尚能屢
次韻無咎閻子常攜琴入材

士寒餓古猶今向來亦有子桑琴倚檻嘯歌非寓淫伯牙
山高水深深萬世丘壘一知音閻君七絃抱幽獨晁子爲
之梁父吟天寒絡緯悲向壁秋高風露聲入林冷絲枯木
拂蛛網十指乃能寫人心村村擊鼓如鳴鼉豆田見角穀
成螺歲豐寒士亦把酒滿眼釘餽梨棗多晁家公子屢經
過笑談與世殊白科文章落落映晁董詩句往往妙陰何
閻夫子勿謂知人難使琴抑怨久不和明光晝開九門肅
不令高才牛下歌

同堯民游靈源廟廖獻臣置酒用馬陵二字賦詩

靈源廟前木我昔見拱把七年身屢到鬱鬱蔭簷瓦春風
響馬銜並轡客蕭洒更願少尹賢置酒意傾寫齋堂有佳
處花柳輕姪蛇蓮塘想舊葉稻畦識枯直開關撫淇河黃
流極天瀉憶昔武皇來繫壁沉白馬從官親土石穢負至
鰥寡空餘瓠子詩哀怨逼騷雅白圭自聖禹今誰定真假
晁子發讜言聖功諒難亞排河著地中勢必千里下移民
就寬闊何地不耕稼此論似太高吾亦莽取舍有器可深
川吾未之學也

馬字

淇河壯觀游太府佳友朋春色挽我出東風如引繩昏昏

版築氣王事始繁興大隄如連山小隄如岡陵增卑更培
薄萬杵何登登憶昨河失道平原魚可留田萊人未復瘡
大國方懲忽念耒耜間爲民保丘塍百縣伐暮出夜半廢
曲肱吾儕愧祿廩游衍事鞍乘晁子漢公孫新恣司馬丞
出幹大農部才術見嗟稱我坐廣文舍七年讀書燈結髮
入場屋官謂河難憑爾來觸事短癡甚霜前蠅世味極淡
薄不了人愛憎唯得一卮酒尚能別淄澠所以對樽俎未
曾問斗升酌我良已多狂言恐侵陵暮雲吞落日歸鳥求
其朋復用前韻冷官僕馬瘦及門鼓騰騰陵字

奉和王世弼寄上七兄先生用其韻

宮槐弄黃黃蓮葉綠婉婉時同二三友竹軒涼夏晚駕幸
都城南以望征車返何知苦淹回及此秋景短愁思令

瘦舉目道路遠西風脫一葉薦士聞鄉選簡書促渡河宿
客不得展親憂對萱叢婦病廢巾盥言趨厭次城鞭馬倦
長阪棗林蔽天日交陰不容織仰看實離離憶見花纂纂
異鄉懷節物不共斟酒盞舉場下馬入深鑠嚴籥管諸生
所程書据束若稽稭蜜燈坐回環丹硯精料東披榛拔芝
蘭斷石收琰琬紛爭一日事聲實溷端窾天球或弃遺斗
筲尚何算西歸到官舍塵土昏案板寒窗穿碧疏潤礎開
蒼蘚詩書鵲巢翻帷慢蛛絲罥果知兄未來光陰坐晚晚
昨蒙叔父報亦歎音書簡薄言使事重激切被天遣逋流
一方病責任媿和扁咨詢懷靡及不皇暇息偃嚼水進糜
殮衝雪踏層巖嚴霜八月飛貂狐無餘煥念嗟叔母劉窮
年寄甥館尚憐公初黠誘掖到昭宛庭堅薄才資行又出

畦町浮雲與世疎短綆及道淺匠伯首斲回大樗終偃蹇
宮戶廩入奉養闕豐腆學徒日新聞孤陋猶舊典小材
渠困我持斲問輪扁復用此一韻事異似不害大材我屈渠越雞當鵠
卵未能引分去戀祿幸苟免平生報一飽從事極龜勉豈
如不見收放身就閒散思伯卧江南無心趣軒冕龐翁跡
頗親黃蘗門屢欵齋餘佛飯香茶沸甘露滿逢人問進退
餘事寄一筦仲父挾高材甘爲溝中斷青黃可犧樽薦廟
配瑚璉季父有逸興未嘗入都輦臨流呼釣船拂石弄琴
阮雍容從朋交林下追游衍田園雖足樂及時思還返陰
寒不鳴條望損倚門眼南枝喜鵲鳴尺素託黃犬又以窀
穸留歸期指姑洗寄聲問僧護兒髮可以縮妙言對賓客
稱渠萬金產爾來弄筆硯墨水惡翻建大字如栖鴉已不

作肥軟魯論未徹章政苦諸叔懶新詩開累紙欲罷不能
卷遠懷託孤高別息盈繾綣秋月明夜潮柘漿凍金碗疎
杵韻寒砧幽泉流翠筧吟哦口垂涎嚼味有餘雋傳示同
好人我家東牀坦風煙意氣生揮毫寫藤蠶獵山窮鶉鴛
罩海極蝦蜆銀鈎亂眼膜佳句濯肺腕且言伯在野朋友
必推挽五泰列清廟聖緒今皇纘真儒運斗樞道化迪天
顯朝論惜才難逸民大蒐獮豈聞任方物包貢遺羽籥招
車必翹翹前席思謇謇王甥欲好懷高意恐難轉長篇題
遠筒封寄淚空潛遙知雲際開灰飛黃鍾管

贈張仲謀

車如雞栖馬如狗閉門常多出門少去天尺五張公子官
居城南地館好健兒快馬紫游韉迎我不知沙路長江榆

老柳媚寒日枯荷小鴨凍野航津人刺船起應客遙知故人一水隔下馬索酒呼三遲騎奴笑言客竟癡向來情義比瓜葛萬事略不置町畦追數存亡異憂樂燭如白虹貫酒卮開軒臨水弄長笛吹落殘月風淒淒城頭漏下四十刻破魔驚睡聽新詩君詩清壯悲節物政與秋蟲同一律爾來更覺苦語工思婦霜碓搗寒月朱顏綠髮深誤人不似草木長青春潔身好賢君自有今日相看進於舊以茲敢傾一杯酒爲太夫人千歲壽

送薛樂道知鄖鄉

黃山葉縣連牆居謝公席上對檮蒲雙鬟女弟如桃李許歸我舍中雛平生同憂共安樂歲晚相望青雲衢去年樽酒簞轍下各喜身爲反哺鳥城頭歸鳥尾畢通春寒啄雪送行車解珮我無明月珠折柳下對千里駒念君習中極了了作吏辦事猶詩書濁酒挽人作年少關防心地亦時須鄖鄉縣古民少訟但問自己不關渠登臨一笑雙白髮宜城凍筍供行厨人生此樂他事無行李道出漢南都寄聲諸謝今何如謝公書堂迷竹塲手種竹今青青否我思謝公淚成雨屬公去漉穰下土

送張沙河遊齊魯諸邦

張侯去沙河三食鄴下麥筆力望晁董頗遭俗眼白平生學經綸曾中負奇畫未論功活人飽飯不常得妻寒尚貧敬見餓猶筆墨側聞其伯城魚稻頗宜客又待塵生甑欲往立四壁平生貸米家十輩來薄責囊無孔方兄面有在陳色守株伺投兔歲晚將何獲廣道無人行春風轉沙石

栖栖馬如狗去謁東侯伯布衣未可量蒼髯身八尺魚乾
要斗水土困易爲德譬之舉大木人借一臂力諸公感意
氣豈待故相識吾窮乏祖餞折柳當馬策

送吳彥歸番陽

學省困蠶鹽人材任尊獎倥侗祝螟蛉小大器翬旒諸生
厭晚成躡學要儉駟摹書說偏旁破義析名象九鼎奏簫
韶爰居端不饗青衿少到門庭除晝閒敲竹風交槐陰三
見秋氣爽時賴解事人載酒直心賞吳郎楚國材幽蘭秀
榛莽彥國吐嘉言子將喜標榜平生欽豪俊久客慕鄉黨
虛齋延酒掃飯薦脰鯨鯨詩句唾成珠笑嘲脛爬痒春夏
頻謝除曾未厭來往歸雁多喜聲寒蟬停哀響黃花滿籬
落白蟻鬧甕盜留君待佳節忽忽戒徂兩親戚傷離居交

遊念疇曩羣局無對曹樗蒲失朋長問君去爲何雲物愁
莽蒼壽親髮斑斑千里勞夢想家雞葉頭肥寒魚受罾網
甘旨歎中厨伊啞弄文襁此行樂未央安知川塗廣深秋
上滄江遠水平如掌人生要得意壯士多曠蕩野鶴疲籠
樊江鷗戀菰蔣本來丘貉姿不著芻豢養寄聲謝鄉鄰爲
我具兩槩有路卽歸田君其信非誑

薛樂道自南陽來入都留宿飲會作詩餞行

薛侯本貴胄射策一矢中金蘭託平生瓜葛比諸從數面
尚成親况乃居連棟交遊及父子講學連伯仲奴人通使
令孩稚接戲弄相憐負米勤同力采蘭供每持君家書平
安觀歎縫秦人與吾炙憂樂一體共釋之廷尉曹微過成
繫訟從此張長公不宥爲時用丘阿無梧桐曲直不在鳳

山谷詩錄 三十四
生涯谷口耕世事邯鄲夢自君抱憂端酒椀未忍釀高秋
自南歸意氣稍寬縱黃花尚滿籬白蟻方浮甕私言助燕
喜且莫戒輜重霜風獵帷幕銀燭吐蟬竦密坐幸頗歡劇
飲寧辭痛疎鐘鳴曉撞小雨作寒霧廐馬蕭蕭鳴征人稍
稍動九衢槐柳中縱緩青絲鞵朱樓豪士集紅袖清歌送
河鯉獻鱠材江橙解包貢蟹擘鷄子黃酒傾琥珀凍舉觴
遙酌我發噫知見頌行行鞭箠倦短句煩屢諷

次韻奉送公定

去年君渡河棗下實離離今年君渡河剝棗詠幽詩直緣
恩義重不憚鞍馬疲詩書半行李道路費歲時親交歡存
沒學問訪關遺我多後時悔君亦見事遲卽此有真意定
非兒女知虛名無用處北斗與南箕燕趙游俠子長安輕

薄兒狂掉三寸舌躡登九級墀覆手雲雨翻立談光陰
軟血盟父子指天出肝脾從來國器重見謂骨相奇築巖
發夢寐獵渭非熊螭百工改繩墨一世擅文詞全人脰肩
肩甕盎嫵且宜大槐陰黃庭女蘿綿絡之韶陽兩兄弟還
自如蛾眉工擘又宜笑百輩來茹咨班姬輕鴻毛更合衆
口吹引繩痛排根蒙蔽枉成帷唯恐出已上殺之如奕棋
塵埃百年琴絕絃爲鍾期落落虎豹文義難管中窺至今
楊子雲不與俗諧嬉歲晚草玄經覃息寫天維脫身天祿
閣危於劔頭炊卧聞策董賢閉門甘忍飢五侯盛賓客騶
轡交橫馳時通問字人得酒未曾辭近者君家翁天與脫
帶鞮已爲冥冥鴻矰繳尚安施養蘭尋僧圃愛竹到水湄
北闕免朝請西都分保釐文章九鼎重富貴一黍累趙良

請灌園但爲商君嗤弃甲尚文過兕多牛有皮出仕書掣
肘歸來菊荒籬不爲五斗折自無三徑資勝箭洗蹠血歸
鞍懸月支斯人萬戶侯造物付鑪錘我觀史臣篇疏略記
糟醕譬如官池蛙誰能問公私君懷明月珠簸弄滄海涯
深房珮芳蘭固是王所姬南貢尚包橘漢濱莫大隨每來
促談塵風生塵竹枝骯髒得家法伊優不能爲但聽呼樗
蒲便足解八頤功成在漏刻穎利處囊錐失勢落坑穽寒
窻如愁鴟得馬折足禍亡羊多岐悲屢敵因心計伏兵幾
面欺長戈仰關來吐欵受羈縻萬事只如此畢竟誰成虧
愛君方寸間醇朴乃器師安得擺俗纏東岡並鉏犁由來
在陰鶴不必振羽儀送行傾車蓋載酒滿鳴夷天高木葉
落潦退河流卑屯雲舉六幕新月吐半規人生會面難取

醉聽狂癡語穿發欺笑

期笑

詩鋒犯嘲譏懸知覆霜來少

別爲不怡天津媚河漢關角挂秋霓中有鬼與神赤舌弄
陰機夜光但什襲出懷卽瑕疵去去善逆旅凍醪約重持
山藥倒藤架紅梨帶寒曦坐須騎奴還淹留歲恐期無爲
出門念牽衣嬰孺啼短韻願成頌時時寄相思

對酒歌答謝公靜

我爲北海飲君作東武吟看君平生用意處蕭酒定自知
人心南陽城邊雪三日愁陰不能分息白摧輪踟躕泥數
尺城門晝閉眠賈客移人僵尸在旦夕誰能忍長待食麥
身憂天下自有人寒士何者愁填臆民生政自不願材可
乘以車可鞭策君不見海南水沉紫旃檀碎身百煉金博
山豈如不蒙斧斤賞老大絕崖霜雪間投身有用禍所集

何况四達之衢井先汲昨日青童天上回手捧玉帝除書
來一番通籍清都闕百身書名赤城臺飛昇度世無虛日
怪我短褐趨塵埃顧謂彼童子此何預人事但對清樽卽
眼開一杯引人著勝地傳聞官酒亦自清徑須沽取續吾
瓶南山朝來似有意今夜倘放春月明

戲贈彥深

李原字彥深厚之弟居南陽

李髯家徒立四壁未嘗一飯能留客春寒茆屋交相風倚
牆捫蝨讀書策老妻甘貧能養姑寧剪髮鬢不典書大兒
得殮不索魚小兒得袴不索襦庾郎鮭菜二十七常齋
日三百餘上下分膳一飽飯藏神夢訴羊躑蔬世傳寒士
有食籍一生當飯百甕菹冥冥主張密如此附郭小圃宜
勤鉏慈秧青青葵甲綠早非晚菘羹糝熟充虛解戰賴湯

餅毫以蒹齋與甘菊幾日憐槐已著花一心呪筭莫成竹
羣兒笑髯窮百巧我謂勝人飯重肉羣兒笑髯不若人我
獨愛髯無事貧君不見猛虎卽人厭麋鹿人還寢皮食其
肉濡需終與豕俱焦飶肥釋甘果非福蟲蟻無知不足驚
橫目之民萬物靈請食熊躡楚千乘立死山壁漢公卿李
髯作人有佳處李髯作詩有佳句雖無厚祿故人書門外
猶多長者車我讀楊雄逐貧賦斯人用意未全疎

寄南陽謝外舅

謝公遂偃蹇南陽無舊廬天與解纓紱元非傲當塗扈下
釋牛刀衆手斫大觚白雲曲肱卧青山滿床書妙質落荆
澤果然天網疎然知一作今人巧未覺古人迂築場歲功
休夜泉鳴竹渠曾懷鬱磊隤此物諒時須見能了翁事安

用府中趨孫能誦翁詩乃是千里駒人生行樂耳用舍要
自如我方神其拙社稷官道樵公猶憂斧斤睥睨斷樽壺
萬古身後前芭蕉秋雨餘少年喜狡獪叱化粒成硃謨功
可歌舞學古則媿殊所好果不同未可一理驅眇忠忘言
對安得南飛鳧鄙心生蔓草萌芽望耘鋤離筵如昨日春
柳見霜枯未辱錦繡段時家雙鯉魚意在參几杖雍容觀
規模引接開藻鑒高明通事樞門生五七輩寂寞半白鬚
談經落塵尾行樂從藍輿看竹辟強宅閱士黃公爐雪屋
煮茶藥晴簷張畫圖幽寺促燈火青瑣置樗蒲遶床呼一
盞十白九雉盧蔡澤來分功袁耽必上都開旗縱七走破
竹斨羣成臬燭爲明按長朋佐呼終飲見温克所爭匪
錙銖誰令運甕翁見謂牧猪奴事託丈人重乃愛屋上烏

言如對面形迹滯舟車風簾想隱几天籟鳴寒梧尚喜
讀書否還能把酒無鄴城渺塵沙冠蓋若秋渠相過問寒
温意氣馳九衢楚客雖工瑟齊人本好竽永懷溟海量北
斗不可斛勝夜親筆墨因來明月珠

和謝公定征南謠

傳聞交州初陸梁東連五溪西氏羌軍行不斷蠻標看謀
主皆收漢畔亡合浦譙門腥血沸晉興城下白首荒謀臣
異時坐致寇守臣今日愧包桑已遣戈船下離水更分樓
船浮豫章頗聞師出三鷓路盡是中屯六郡良漢南食麥
如食玉湖南驅人如驅羊營平請穀三百萬祁連引兵九
千里少府私錢不可知大農計歲今餘幾土兵番馬獵虎
同蝮虺毒草篁竹中未論芻粟捐金費直愁瘴癘連營空

我思荊州李太守欲募蠻夷令自攻至今民歌尹殺我州
郡擇人誠見功張喬祝良不難得誰借前筋開天聰詔書
哀痛言語切爲民一洗橫尸血推鋒陷堅賞萬戶墜山堙
谷窮三穴南平舊時願臣願欲獻封疆請旄節廟謀猶計
病中原豈知一朝更屠滅天道從來不爭勝功臣好爲可
喜說交州雞肋安足貪漢開九郡勞臣監呂嘉不宥佩銀
印徵側持戈敵百男君不見往年瀕海未郡縣趙地閉關
罷朝獻老翁竊帝聊自娛白頭抱孫息事漢孝文親遣勞
苦書稽首請去黃屋車得一亡十終不忍太宗之仁千古
無

寄題欽之草堂

河南有伏流經營太行根盛德不終晦發爲清源

濟源上太行正當門脩竹帶藩籬百禽鳴朝暾仰視浮雲
作俯窺流水奔相望有盤谷李愿故居存主人國之老實
惟商巖孫班行昔供奉屢進逆耳言天子色爲動羣公聲
亦吞肅肅冰霜際不改白玉温出處士所重其微難共論
公勿懷草堂朝廷待公尊

和答梅子明王揚休點密雲龍

小壁雲龍不入香元豐龍焙承詔作二月常新官字蓋游
絲不到延春閣去年曾滅光輝人間廿九人未知外家
春官小宗伯分送蓬山裁半壁建安甕椀鷓鴣斑谷廉水
與月共色五除試湯飲墨客泛甌銀粟無水豚辟宮邂逅
王廣文初觀團團破龍紋諸公自別淄澠了兔月葵花不
足論石磴春芽風雪落煮饒肺渴初不惡河伯來觀東海

若鹿逢朱雲真折角子真雲孫吐成珠廟堂只今用諸儒
鍊成五石補天手上書致身可亨獨願我賜茶無骨相他
年幸公宥相餉

次韻子瞻春菜

北方春蔬嚼冰雪妍暖思采南山蕨菲苗水餅姑置之苦
菜黃雞羹糝滑蓴絲色紫菰首白蕒蒿牙甜焯頭辣生菹
入湯翻手成芼以薑橙誇縷抹驚雷菌子出萬釘白鵝截
掌鼈解甲琅玕林深未飄籜軟炊香杭煨短茁萬錢自是
宰相事一飯且從吾黨說公如端爲苦笋歸明日青衫誠
可脫

次韻答堯民

君開蘇公詩疾讀息過半譬如聞韶耳三月忘味歎我詩

豈其朋組麗等俳玩不聞南風絃同調廣陵散鶴鳴九天
上宥作家雞伴晁子但愛我品藻私月旦官閒樂相從梨
栗供杯案門靜鳥雀嬉花深蜂蝶亂忽蒙加禮貌齋戒事
稽盥問大心更小意督辭反緩君材於用多舞選弓矢貫
聰明回自照勝已果非懦我如相繪事素質施朽炭古來
得道人非獨大庭館晁子已不疑冬寒春自暖繫表知藥
言擇友得苟粲

再和寄子瞻聞得湖州

天下無相知得一已當半桃僵李爲仆芝焚蕙增歎佳人
在江湖照影自娛玩一朝入漢宮掃除講冗散何如終流
落長作朝雲伴相思欲而論坐起雞五旦身慚尸廩祿有
罪未見案公又雄萬夫噉噉不自亂滅穀皆亡羊要以道

滌盥傳聲向東南王事不可緩春波下數州快若七札貫
椎鼓張風帆相見激衰懦空文不傳心千古付煨炭安得
垂天雲飛就吳興館魚鱗柳絮肥筍煮溪沙暖解歌使君
詞樽前有三粲

答王道濟寺丞觀許道寧山水圖

往逢醉許在長安蠻溪大硯磨松烟忽呼絹素翻硯水久
不下筆或經年異時踏門闖白首巾冠欹斜更索酒舉杯
意氣欲翻盆倒卧虛樽將八九醉拈枯筆墨淋浪勢若山
崩不停手數尺江山萬里遙滿堂風物冷蕭蕭山僧歸寺
童子後漁伯欲渡行人招先君笑指溪上宅鷓鴣白鷺如
相識許生再拜謝不能元是天機非筆力自言年少眼明
時手揮八幅錦江絲贈行卷送張京兆心知李成是我師

張公身逐銘旌去流落不知今主誰大梁畫肆閱水墨我
君盤礴忘揖客蛛絲煤尾意昏昏幾年風動人家壁雨雪
泔泔滿寺庭四圍冷落護丹青笑訓肆翁十萬錢卷付騎
奴市盡傾王丞來觀皆失席指點如見初畫日四時風物
入句圖信知君家有摩詰我持此圖二十年眼見綠髮皆
華顛許生縮手入黃泉衆吏弄筆摩青天君家枯松出老
翟風煙枯枝倚崩石蠹穿風物君愛惜不誣方將有入識

過家

絡緯聲轉急田車寒不運兒時手種柳上與雲雨近舍傍
舊傭保少換老欲盡宰木鬱蒼蒼田園變畦畛招延屈父
黨勞問走婚親婦來翻作客顧影良自哂一生萍託水萬
事雪侵鬢夜闌風墮霜乾葉落成陣燈花何故喜大是報

山谷詩集 四十一
書信親年當喜懼見齒欲毀亂繫船三百里去夢無一寸

食笋十韻

洛下斑竹筍花時壓鮭菜一朶酬千金掉頭不肖賣我來
白下聚此族富庖宰蟹栗戴地翻殼觶觸墻壞臙臙入中
厨如償食竹債甘菹和菌耳辛膳膈薑芥烹鵝雜股掌
籠亂羣介小兒哇不美鼠壤有餘嘍可貴生於少古來食
其噫尚想高將軍五溪無人采

蕭巽葛敏修二學子和予食筍詩次韻答之

北饌厭羊酪南庖豐筍菜自北初落南幾爲見所賣習知
價廉平百態事烹宰鹽酪枯腊瘦蜜漬真味壤就根煨茁
美豈念炮烙債咀吞千畝餘習次不蕪芥二妙各能詩才
名動江介詩論多佳句膾炙甘我嘍因君思養竹萬籟聽

秋噫從此繕藩籬下令禁漁采一作下書示漁采

韭黃照春盤菰白媚秋菜惟此蒼竹苗市上三時賣江南
家家竹剪伐誰主宰半以苦見疎不言甘易壞葛陂雕龍
睡未索兒孫債獺膽能分杯虎魄妙拾芥此物於食穀如
零得償介思入帝鼎烹忍遭飢涎踉懶林供翰墨礎杵風
號噫每下歎枯株焚如落樵采

答永新宗令寄石耳

飢欲食首山薇渴欲飲潁川水嘉禾令尹清如水寄我南
山石上耳筠籠動浮烟雨姿淪湯磨沙光陸離竹萌粉餌
相發揮芥薑作辛和味宜公庭退食飽下筍杞菊避席遺
萍蕪雁門天花不復憶况乃桑鵝與楮雞小人藜羹亦易
足嘉蔬遣餉荷眷私吾聞石耳之生常在蒼崖之絕壁苔

衣石腴風日炙捫蘿挽葛採萬仞足委骨豺虎宅佩刀
買犢劔買牛作民父母今得職閔仲叔不以口腹累安邑
我其敢用鮭菜煩嘉禾願公不復甘此鼎免使射利登嗟
峨

陂

彫陂之水清且泚屈爲印文三百里呼船載過七十餘襄
裳亂流初不記竹輿嘔啞山徑涼僕姑呼婦聲相倚篁中
猶道泥滑滑僕夫慘慘耕夫喜窮山爲吏如漫郎安能爲
人作嚆矢老僧迎謁喜我來吾以王事篤行李知民虛實
應縣官我寧信日不信耳僧言生長八十餘縣令未曾身
到此

長句謝陳適用惠送吳南雄所贈紙

廬陵政事無全牛恐是漢時陳太丘書記姓名不肖學得
紙無異夏得裘琢詩包紙送贈我自狀明月非暗投詩句
縱橫剪宮錦惜無阿買書銀鈎蠻溪切藤卷盈百側釐羞
滑蠶羞白想當鳴杵砧面平枕柳葉風溪水碧千里鵝毛
意不輕瘴衣腥膩北歸客君侯謙虛不自供胡不贈世文
章伯一涔之水容牛蹄識字有數我自知小時雙鈎學楷
法至今兒子憎家雞雖然嘉惠敢虛辱糞泥續尾成大軸
寫心與君心莫傳平生落魄不問天尊前花底幸好戲爲
君絕筆謝風煙已無商頌倚那手請續南華內外篇

上大蒙籠

乙卯晨起

蒼霧冥冥小石門蒼衣草路無人迹苦竹參天大石門虎
迹兔蹊聊倚息陰風使林山鬼嘯千丈寒藤遶崩石清風

源裏有人家牛羊在山亦桑麻向來陸梁慢官府試呼使
前問其故衣冠漢儀民父子吏曹擾之至如此窮鄉有米
無食鹽今日有田無米食但願官清不愛錢長養兒孫聽
驛使

勞坑入前城 乙卯飯後

刀坑石如刀勞坑人馬勞窈窕篁竹陰是常生逋逃白狐
跳梁去豪猪森怒嗥黃雲覺日瘦木落知風饕輕軒息源
口飯羹煮溪毛山農驚長吏出拜家騷騷借問淡食民祖
孫甘餽糟賴官得鹽喫政苦無錢刀

乙卯宿清泉寺

稅輿陟高岡却立倚天壁就輿亂清溪轉石飛霹靂十步
一沮如五步一枳棘上方未言返豁見平土宅田家雞犬
歸佛廟檀欒碧蓮蕩落紅衣泉泓數白石人如安巢鳥稍
就一板息鐘魚各知時吾亦自得力

丙辰仍宿清泉寺

山農居負山呼集來苦遲既來授政役謠詠謂余欺按省
其家資可忍鞭挾之恩言論公家疑阻久迺隨膝口終自
愧吾敢乏王師官寧憚淹留職在拊婢嫠所將部曲多溷
汝父老爲西山失半壁且復下囊輜啼鴉散篇帙休吏稅
巾衣石泉鼓坎坎竹風吹參差書冷行熠燿壁蟲催籽穢
昏缸夜未央高枕夢登巖

己未過太湖僧寺得宗汝爲書寄山蕘白酒長韻詩

寄答

從學晚聞道謀官無見功早衰觀水鑒內熱愧鄰邦北鄰

有宗侯治劇乃雍容摩手撫鰥寡藁礎磔強梁桃李與荆
棘稱物施露霜政經甚績密私不蚍蜉通吏舍無請昧家
有侯在堂府符下鹽策影官勸和羨作民敏風雨令先諸
邑行我居萬夫上闕情世無雙此邑宅巖巖里中頗秦風
翁媪無恙時出分如蜂房一錢氣不直白挺及父兄簪筆
懷三尺揖我爲我臧向來豪傑吏治之以牛羊我不忍敵
民教養如兒甥荆雞伏鵠卵久望羽翼成訟端洵洵來諭
去稍聽從尚餘租庸調歲稽法程按圖索家資四壁達
牖窓掄日鞭朴之桁楊相推棖身欲免官去駕馬戀豆糠
所以積廩鹽未使戶得烹八月醜社酒公私樂年登遣徒
與會稽而悉走荻篁吾惟不足遣夙駕略我疆邑西軼戾
地是嘗嬰吾鋒齟齬其強宗彼乃可使令夙夜于遠郊草

露沾帷裳入磴履虎尾捫蘿觸薑芒借問夕何宿煙邊數
峰橫松竹不見天蟠空作秋聲谷鳥與溪瀨合絃琵琶等
稅駕亂石間巖寺鳴疎鐘山農頗來服見其父孫翁苦辭
王賦遲戶戶無積藏民病我亦病呻吟達五更韻爲誦書
語一作書行歌類楚狂舉鞭問嘉禾秣馬可及城惜哉憂
城且不得對榻床洒筆付飛鳥北風吹報章書回銀鈎壯
句與麝煤香浮蛆撥官醅傾壺嫩鵝黃山氣常翥翯此物
可屢觴蕢藥割紫藤開籠喜手封味温頗宜人茗以石飴
薑舉杯引藥糜詠詩對寒江寄聲甚勞苦相思秋月明我
邑萬戶鄉其民資囂凶欲割以壽公使之承化光反以來
壽我中有吞舟鯨銅墨俱王命職思慰孤惇何時睹一擲
燒燭呪明瓊

庚申宿觀音院

谷底一墟落地形如盎盆椽題相照耀其民頗家溫土風
甚於秦不可借釜甌僧屋無陶瓦剪茅蒼竹樊借問僧安
在乞飯走諸門人闕島島語簞涼風水文苟有蜂蜜廬頗
聞衙集喧將雨蟻爭丘塵兵復追奔紅英委鳳翼赤憤莪
雞冠汲烹寒泉窟伐燭古松根相戒莫浪出月黑虎夔藩
金刀坑迎將家待追漿坑十餘戶山農不至因題其

壁

窮鄉阻地險篔竹嘯夔魃惡少擅三窟不承吏追呼老翁
燕無凶偃蹇坐里間後生習聞見官不禁權輿懷書斤長
吏持杖塵公徒遂令五百里化爲豺豕墟古來沉牛羊檄
水臣鯁魚猛虎剝文章矧而民髮膚哀哉奉其身曾不如

島島破家縣令手南面天子除要能伐強梁然後活惇孤
屬爲民父母未教忍先誅山川甚秀拔人物亦詩書十室
有忠信此鄉何獨無

代書

阿熊去我時秋暑削甘瓜離別日日除蓮房倒箭韋得書
報平安肥字如栖鴉汝才躍鑑金自必爲鑊鉞窮年抱新
書挽條咀春葩弄筆不能休屈宋欲作衙屈指推日星許
身上雲霞安知九天關虎豹守夜叉祝田操豚蹄持狹所
欲奢文章六經來汗漫十牛車譬如觀滄海細大極龍蝦
古人以聖學未官廢百家舊山水十圍齋堂綠陰遮紅稻
香盂飯黃雞厭食鮭摩挲垂便腹頗復讀書耶念汝齒壯
矣無婦助烹茶父兄亦憐汝須兒牧犬狻且伐千章材贈

行當馬搗羸糧果後時定隨八月槎覺民在中林丁丁聞
兔耳奉身甚和友幹父辦咄嗟臺源吟松瀨先生岸巾紗
留客醉風月槃筯供柔嘉仍工朱絲絃洗心拂奇邪孤臣
發楚調傾國怨胡笳把筆學周鼓字形錐畫沙詩書乃甫
好不爲蓬生麻元明祖師禪妙手發琵琶已無富貴心鼓
吹一池蛙天民服農圃頗復秋斂賒下田督耒耘入嶺按
新畬悉力輸王賦至今困生涯知命叔山徒爐香嚴佛花
唯思苾芻園脫冠著袈裟起家望兩季佩金跼朝鞞嘉魚
在南國宗廟薦鱗鯨我爲萬夫長朝論不齒牙刺頭薄領
中蚤蝨廢搔爬世累已纏縛官箴易疵瑕何時煙雨裏驅
羊入金華遣奴迫王事不暇學驚蛇

學一作草

寄陳適用

日月如驚鴻歸燕不及社清明氣妍暖疊疊向朱夏輕衣
頗宜人裘褐就拋架已非紅紫時春事歸桑柘空餘車馬
跡顛倒桃李下新晴百鳥語各自有匹亞林中僕姑歸苦
遭拙婦罵氣候使之然光陰促晨夜解甲號清風卽有幽
蟲化朱墨本非工王事少閑暇幸蒙餘波及治郡得黃霸
邑鄰陳太丘威德可資借決事不遲疑敏手擘泰華頗復
集紅衣呼僚飲休假歌梁韻金石舞地委蘭麝寄我五字
詩句恣窺鮑謝亦嘆薄領勞行欲問田舍相期黃公壚不
異秦人炙我初無廊廟身願執耕稼今將荷鋤歸區芋畦
甘蔗觀君氣如虹千輩可陵跨自當出懷壁往取連城價
賜地買歌童珠翠羅廣廈富貴不相忘寄聲相慰藉

讀方言

八月梨棗紅繞墻風自落江南風雨餘未覺衣衾薄壁盡
憂寒來催婦織衣去聲著荒畦杞菊花猶用充羹臠連日無
酒飲令人風味惡頗似楊子雲家貧官落魄忽聞輶軒書
澁讀勞輔鵠虛堂漏刻間九土可領略願多載酒人喜我
識字博設心更自笑欲過屠門嚼往時抱經綸待價一丘
壑卜師非熊羆夢相解靡索所欲吾未奢黨使耕可獲今
年美牟麥厨饌豐餅拓摩抄腹中書安知非糟粕

送彥孚主簿

斯文當兩都江夏世無雙叔度初不言漢庭望風降中間
眇人物潛伏老崆嶺本朝開典禮械樸作株椿世父盛文
藻如陸海潘江三戰上皆北韞弓錦韜紅白衣受傳詔短
命終螢窓夢升卧南陽耆舊無兩龐空饒歐陽銘松風悲

龐瀧四海羣從間 來頗瑋淙主簿吾宗秀其能任為邦
軀幹雖眇小勇沉鼎可扛擇師別陳許取友觀羿逢折腰
佐髯令邑訟銷吠危時邀府中飲下箔蠟燒釭紅裳笑千
金清夜酒百釭同僚有惡少嘲謔語亂唳君但隱几笑諸
老歎敦庵况乃工朱墨氣和信甚在持此應時須十年擁
麾幢相逢常鞅掌衙鼓趨趨簿書敗清談汗顏吏縱橫
臨分何以贈要我賦蘭茝荇華雖眾笑白雪不同腔野人
甘芹味敢饋厭羊羴顧余百短拙飽腹鱣膾肱維息解官
去一丘事耕耨君當取富貴鐘鼓羅擊撞伏藏麤麤徑猶
想足音竟

和曹子方雜言

正月尾垂雲如覆孟雁作斜行書三十六陂浸煙水想對

西江彭蠡湖人言春色濃如酒不見插秧吳女手冷鄉小
 塢頗藏春張侯官居柳對門當風橫笛留三弄燒燭圍棋
 覆九軍盡是向來行樂事每見琵琶憶朝雲只今不舉蛾
 眉酒紅牙捍撥網蛛塵曹侯束書丞太僕試說相馬猶可
 人照夜白真乘黃萬馬同秣隨低昂一矢射落阜鵬雙張
 侯猶思在戎行橫山虎北開漢疆冷卿智多髮蒼浪牛刀
 發礪思一邦政成十綴舞紅粧兩侯不如曹子方朶頤論
 詩蝟毛張龜藏六用中有光何時端能俱過我掃除北寺
 讀書堂菊苗煮餅深注湯更碾盤龍不入香

戲贈曹子方家鳳兒

東芽入湯獅子吼荔子新剝女兒頰鳳郎但喜風土樂不
 解生愁山疊疊目如點漆射清揚歸時定自能文章莫隨

閩嶺三年語轉却中原萬籟箜閩嶺一作阿國

送張材翁赴秦簽

金沙醱醱春縱橫提壺粟留催酒行公家諸父酌我醉橫
 笛送晚延月明此時諸兒皆秀發酒間乞書藤紙滑北門
 相見後十年醉語十不省七八吏事袞袞談趙張乃是樽
 前綠髮郎風悲松丘忽三歲更覺綠竹能風霜去作將軍
 幕下士猶聞防秋屯虎兕只今陛下息保民所要邊頭不
 生事短長不登四萬日愚智相去三十里百分舉酒更若
 為千戶封侯儻來爾

奉謝劉景文送團茶

劉侯惠我大玄壁上有雌雄雙鳳跡鵝溪水練落春雪粟
 面一杯增目力劉侯惠我小玄壁自裁半壁煮瓊糜收藏

殘月惜未碾直待阿衡來說詩絳囊團團餘幾壁因來送
我公莫惜箇中渴羌飽湯餅雞蘇胡麻煮同喫

謝景文惠浩然所作珪墨

珪瑋磨墨出蘇家麝煤漆澤紋烏鞞柳枝瘦龍印香字十
襲一日三摩挲劉侯愛我如桃李揮贈要我書萬紙不意
神禹治水圭忽然入我懷袖裏吾不能手抄五車書亦不
能寫論付官奴便當閉門學水墨灑作江南驟雨圖

題落星寺

落星開士深結屋龍閣老翁來賦詩

寺僧擇隆作宴坐小軒為落星之勝處

小雨藏山客坐久長江接天帆到遲宴寢清香與世隔畫

圖妙絕

一作絕筆

無人知

僧隆畫甚富而寒山拾得畫最妙

蜂房各自開戶牖

處處煮茶藤一枝

過致政屯田劉公隱廬

兒時拜公床眼碧眉紫煙舍前架茅茨爐香坐僧禪女奴
煮粟粟石盆瀉機泉今來掃門巷竹間翁蛻蟬堂堂列五
老勝氣失江山石盆爛黃土茅齋薪壞椽女奴為民妻又
瘞蒿里園當年笑語地華屋轉朱欄課兒種松子傘蓋上
參天投策數去日木行天再環先生古人風鐵膽石肺肝
眼前不可意壯日挂其冠解衣廬君峰洗耳瀑布源霧豹
藏文章驚世時一斑衆人初易之久遠乃見難憶昔子政
在為翁數解顏五兵森武庫河漢落舌端王陽已富貴塵
冠不肖彈呻吟刊十史凡例墨新乾宰木忽拱把相望風
隧寒百楹書萬卷少子似翁賢

貴池

池人祀昭明為郭西九郎時新覆大舟水苑于二人以為神之威也

橫雲初抹漆爛熳南紀黑不見九華峰如與親友隔憶當
秋景明九老對几席何曾閉蓬窓卧聽寒雨滴不食貴池
魚喜尋昭明宅筆硯鼠行塵芝菌生銅鬲息成佳句夢貽
我錦數尺屬者浪吞舟風雹更附益老翁哭婦兒相將難
再得存亡如日月薄蝕行道失流俗暗本原謂神吐其食
神理儻有私丘禱久以默

庚寅乙未猶泊大雷口

廣原嗥終風發怒土囊口萬艘萍無根廼知積水厚龍鱗
火熒熒鞭笞雷霆走公私連檣休森如束春韭倚筇蒹葭
灣垂楊欲生肘雄文酬江山惜無韓與柳五言呻吟內慚
愧陶謝手送菜煩鄰船買魚熟溪友兒童報晦冥正晝見
箕斗吾方廢書眠鼻鼾鞞囊吼猶防盜窺家嚴敲申夜守

冶城謝公墩牛渚蕩子婦何時快登臨篙師分牛酒

乙未移舟出口

畏風濤復入遂宿焉同行有劉三班
善射沙夾遇盜劉手殺三人

江湖吞天胸蛟龍垂涎口養軀無千金特爲親故厚本心
非華軒而與馬爭走聘婦緝落毛教兒耨葱韭衣食端須
幾將老猶掣肘安能詭隨人曲折作杞柳桓公甕盜瘦楚
國不龜手生涯但如此那問託婚友久陰快夜晴天文若
科斗村南鬼火寒村北風虎吼野人驅雞豚縛落堅纏守
劉郎弓石八猛氣壓馮婦一試金僕姑歸飲軟臂酒

阻水泊舟竹山下

竹山蟲鳥朋友語討論陰晴怕風雨丁寧相教防禍機草
動塵驚忽飛去提壺歸去意甚真柳暗花濃亦半春北風
幾日銅官縣欲過五松無主人

次韻伯氏長蘆寺下

風從落帆休天與大江平僧坊晝亦淨鐘磬寒逾清淹留
屬暇日植杖數連甍頗與幽子逢煮茗當酒傾攜手霜木
末朱欄見潮生檣移永正縣鳥度建康城薪者得樹雞羹
孟味南京香杭炊白玉飽飯愧閒行叢祠息歸樂吟弄夕
陽明息歸誠獨樂薇蕨漸春榮

贈別李端叔

我觀江南山如目不受垢憶食江南薇子獨於我厚在北
息江山如懷冰雪顏千峰上雲雨岑絕何山攀當時喜文
章各有兒子氣爾來領須白有兒能拜起讀書浩湖海解
意開春水成山更崇壘顧我醜丘陵白玉著石中與物太
落落涇渭相將流世不名清濁乞言既不易贈言良獨難
見故人心可知

曉放汴舟

秋聲滿山河行李在梁宋川塗事雞鳴身亦逐羣動霜清
魚下流橘柚入包貢又持三十口去作江南夢

發舒州向皖口道中作寄李德叟

黑雲平屋簷一作崔嵬晨夜隔星月曉裝商旅前冰底泥
活活野人攘畔耕一作侵寒馬不能滑駝裹惜蒙茸俱落
水塘缺孤村小蝸舍乞火乾履襪前登極崢嶸一作高寒他日
飛鳥沒寒花委亂草耐凍鳴風葉一作耐凍風葉江形篆
平沙分派回勁筆髯弟不俱來得句漫剗剗一作漫得却

望同安城唯有松鬱鬱遙知浦口晴諸峰見明雪一作松

徐孺子祠堂

喬木幽人三畝宅生芻一束向誰論藤蘿得意干雲日簫鼓何心進酒樽白屋可能無孺子黃堂不是欠陳蕃古人冷淡今人笑湖水年年到舊痕

池口風雨留三日

孤城三日風吹雨小市人家只菜蔬水遠山長雙屬玉身閒心苦一春鉏翁從旁舍來收網我適臨淵不羨魚俛仰之間已陳迹莫窓歸了讀殘書

息親汝州作

歲晚寒侵遊子衣拘留幕府報官移五更歸夢三百里一日息親十二時車上吐茵元不逐市中有虎竟成疑秋毫

得失關何事摠爲平安書到遲

衝雪宿新寨忽忽不樂

縣北縣南何日了又來新寨解征鞍山銜斗柄三星沒雪共月明千里寒小吏忽一作有時須束帶故人頗問不休官江南長盡梢雲竹歸及春風斬釣竿

郭明父作西齋于穎尾請予賦詩

食貧自以官爲業聞說西齋意凜然萬卷藏書宜子弟十年種木長風煙未嘗終日不思穎想見先生多好賢安得雍容一樽酒女郎臺下水如天

戲詠江南土風

十月江南未得霜高林殘水下寒塘飯香獵戶分熊白酒熟漁家擘蟹黃橘摘金苞隨驛使禾春玉粒送官倉踏歌

夜結田神社游女多隨陌上郎

和答孫不愚見贈

詩比淮南似小山酒名麴米出雲安且憑詩酒勤春事莫
愛兒郎作好官簿領侵尋台相筆風埃蓬勃使星鞍小臣
才力堪為掾敢學前人便挂冠

次韻裴仲謀同年

交蓋春風汝水邊客牀相對卧僧壇舞陽去葉纔百里賤
子與公俱少年白髮齊生如有種青山好去坐無錢煙沙
篁竹江南岸輸與鷓鴣取次眠

稚川約晚過進叔次前韻贈稚川并呈進叔

人騎一馬鈍如蛙行向城東小隱家道上風埃迷早白堂
前水竹湛清華我歸河曲定寒食公到江南應削瓜樽酒

光陰俱可惜端須連夜發園花

同世弼韻作寄伯氏在濟南兼呈六舅祠部學士

山光掃黛水接藍聞說樽前慳笑談伯氏清修如身氏濟
南蕭灑似江南屢陪風月乾吟筆不解笙簧醉舞衫只恐
使君乘傳去拾遺今日是前銜

次韻蓋郎中率郭郎中休官二首

仕路風波雙白髮閒曹笑傲兩詩流故人相見自青眼新
貴卽今多黑頭桃葉柳花明曉市荻芽蒲笋上春洲定知
聞健休官去酒戶家園得自由

郭文時御道中野服過親
黨飯頗為分臺御史所
閱

哉有此句

世態已更千變盡心源不受一塵侵
一作險阻艱難親得
力是非憂樂飽經心
青春白日無公事紫燕黃鸝俱好音
付與兒孫知伏臘聽

教魚鳥逐飛沉黃公墟下曾知味定是逃禪入少林

和張沙河招飲

張侯耕稼不逢年過午未炊兒女煎腹裏雖盈五車讀囊
中能有幾錢穿况聞緼素尚黃葛可怕雪花鋪白瓊誰料
丹徒布衣侶今朝忽有酒如川

次韻答柳通叟求田問舍之詩

少日心期轉繆悠蛾眉見妒且障羞但令有婦如康子安
用生兒似仲謀橫笛牛羊歸晚徑捲簾瓜芋熟西疇功名
可致猶回首何況功名不可求

宣城變樣蹲一作雞距諸葛名家將一作鼠鬚一束喜從

公處得千金求買市中無漫投墨客摹科斗勝與朱門飽

蠹魚愧我初非草玄手不將閒寫吏文書

和陳君儀讀太真外傳三首

扶風喬木夏陰合斜谷鈴聲秋夜深人到愁來無處會不
關情處摠傷心

梁州一曲當時事一作開元夢記得曾拈玉笛吹端正樓空春

畫永小桃猶學淡燕支

高麗條脫珮紅玉一作雙條脫邏迤琵琶撚綠絲一作三尺琵琶

蛛網屋煤昏故物一作脂此生唯有夢來時

楊朴墓

三尺孤墳一布衣人言無復似當時千秋萬歲還來此月
笛煙莎世不知楊朴喜吹笛嘗作莎詩極工

戲和舍弟船場探春

山谷詩集 五十五
雨餘禽語催天曉月上梨花放夜闌莫聽遊人待妍暖十分傾酒對春寒
百舌解啼泥滑滑忽成風雨落花天城南一段春如錦喚取詩人到酒邊

次韻寅菴四首

四時說盡菴前事寄遠如開水墨圖略有生涯如谷口非無卜肆在成都旁籬榛粟供賓客滿眼雲山奉宴居閒與老農歌帝力年豐村落罷追胥

兄作新菴接舊居一原風物萃庭隅陸機招隱方傳洛張翰思歸正在吳五斗折腰慚僕妾幾年合眼夢鄉間白雲行處應垂淚黃犬歸時早寄書

大若塘邊獨網魚小桃源口帶經鉏詩催孺子成雞柵茶

約鄰翁掘芋區苦棟狂風寒徹骨黃梅細雨潤如酥此時睡到日三丈自起開關招酒徒

未怪窮山寂寞居此情常與世情疎誰家生計無閒地太半歸來已白須不用看雲眠永日會思臨水寄雙魚公私通負田園薄未至妨人作樂無

呻吟齋睡起二首

斐几坐清晝博山凝妙香蘭牙依客土柳色過鄰墻巷僻過從少官閒氣味長江南一枕夢高卧聽鳴榔

墻下蓬蒿地兒童課剪除蔓蒿隨分種祀菊未須鉏河水傳烽火交州報捷書無能落閒處慙愧飽春蔬

和師厚郊居示里中諸君

籬邊黃菊關心事窗外青山不世情江橋千頭俱歲計秋

蛙一部洗朝醒歸鴻往燕競時節宿草新墳多友生身後
功名空自重眼前樽酒未宜輕

次韻外舅謝師厚喜王正仲三丈奉詔相南兵回至
襄陽捨驛馬就舟見過三首

漢上息見龐德公別來悲歎事無窮聲名籍甚漫前日須
鬢索然成老翁家釀已隨刻漏下園花更開三四紅相逢
不飲未爲得聽取百鳥啼怱怱

能來問疾好音傳蹇步昏花當日痊烹鯉得書增目力呼
兒扶立候門前游談取重慙犀首居物多羸味計然唯在
交親等金石自頭忘義復忘年

語言少味無阿堵冷一作水雪相看有此君燈火詩書如夢

寐麒麟圖畫屬浮雲平章息女能爲婦歡喜兒曹解綴文

憂樂同科惟石友別離空復數朝曛

夜發分寧寄杜澗叟

陽關一曲水東流燈火旌陽一釣舟我自只如常日醉滿
川風月替人愁

次韻胡彥明同年羈旅京師寄李子飛三章一章道
其困窮二章勸之歸三章言我亦欲歸耳胡李相
甥也故有檳榔之句

看除日月坐中銓一歲應無官九遷葱韭盈盤市門食詩
書滿枕客牀瓊留連節物孤朋酒惱亂鄰翁謁子錢誰料
丹徒布衣侶困窮且忍試新年

丁未同升鄉里賢別離寒暑未推遷蕭條羈旅深窮巷蚤
晚聲名上細瓊碧嶂清江元有宅白魚黃雀不論錢檳榔

一斛何須得李氏弟兄佳少年

畏人重祿難堪忍閱世浮雲易變遷徐步當車飢當肉鉏頭爲枕草爲糧元無馬上封侯骨安用人間使鬼錢不是朱門爭底事清溪白石可忘年

上蕭家峽

玉笥峰前幾百家山明松雪水明沙趁虛人集春疏好桑茵竹萌煙蕨芽

晚年本云趁虛人在烟中語荷篠歸來有蕨芽

出迎使客質明放船自瓦窰歸

鼓吹喧江雨不開丹楓落葉放船回風行水上如雲過地近嶺南無雁來樓閣人家捲簾幕菰蒲鷗鳥樂灣洄惜無陶謝揮斤手詩句縱橫付酒杯

登快閣

癡兒了却公家事快閣東西倚晚晴落木千山天遠大澄江一道月分明朱絃已爲佳人絕青眼聊因美酒橫萬里歸船弄長笛此心吾與白鷗盟

題安福李令朝華亭

丹楹刻桷上崢嶸表裏江山路眼平曉日成霞張錦綺青林多露綴珠纓人如旋磨觀羣蟻田似圍碁據一杯對案昏昏迷簿領暫來登覽見高明

寄舒申之戶曹

吉州司戶官雖小曾屈詩人杜審言今日宣城讀書客還趨手板傍轅門江山依舊歲時改桃李欲開煙雨昏公退但呼紅袖飲剩傳歌曲教新翻

奕碁一首呈任公漸

山谷詩少

五十八

偶無公事客休時席上談兵校一作角兩碁心似蛛絲遊碧
落身如蝸甲化枯枝湘東一目誠甘死天下中分尚可持
誰爲吾徒猶愛日參橫月落不曾知

奉答李和甫代簡二絕句

山色江聲相與清卷簾待得月華生可憐一曲並船笛說
盡故人離別情

夢中往事隨心見醉裏繁華亂眼生長爲風流惱人病不
如天性總無情

次韻君庸寓慈雲寺待韶惠錢不至

主簿看梅落雪中閨人應賦首飛蓬問安兒女音書少破
笑壺觴夢寐同馬祖峰前青未了鬱孤臺下水如空江山
信美思歸去聽我勞歌亦欲東

奉同公擇作揀芽詠

赤囊歲上雙龍壁囊貢小團亦單雙
唯揀芽則雙疊曾見前朝盛事來想
得天香隨御所延春閣道轉輕雷元豐未作延春閣

元明題哥羅驛竹枝詞

尺五攀天天慘顏鹽煙溪瘴鎖諸蠻平生夢亦未嘗處聞
有鴉飛不到山風黑馬跪驢瘦嶺日黃人度鬼門關黔南
去此無多遠想在夕陽猿嘯間

長沙留別

折脚鐺中同淡粥曲腰桑下把離杯知君不是南遷客魑
魅無情須早回

元明留別

枕榔筍白映玉箸椰子酒清宜具觴市井衣裳半 夏陰

晴朝暮變炎涼莫推月色共千里不寄江南書一行無賴
笳聲上雲漢曉來偏繞九迴腸

宿山家效孟浩然

秋陽沉山西委照藩落下霧連雲氣平濛濛中野空村
晚無人一二小蝸舍老翁止客宿喬木際我馬松爐依倚
煙槁竹照清夜幽泉抱除鳴生涯渺蕭灑翁家炊黃梁殺
雞延食罷問余所從誰庸詎學丘也投身解世紛耻問老
農稼予生久適回百累未一謝斑斑吾親髮弟妹逼婚嫁
無以供甘旨何緣敢閒暇安得釋此懸相從老桑柘

漫尉

并序庚戌爲葉縣尉時作

庭堅讀漫叟文愛其不從於役而人性物理齎然詣於
根理因戲作漫尉一篇簡舞陽尉裴仲謨兼寄贈郝希

孟胡深夫二同年爲我相與和而張之尚使來者知居
厚爲寡悔之府然知我罪我皆在此詩

豫章黃魯直旣拙又狂癡往在江湖南漁樵乃其師腰斧
入白雲揮車棹清溪虎豹不亂行鷗鳥相與嬉遇人不崖
異順物無瑕疵不知愛故厭不悔爲人欺晨朝常漫出莫
夜亦漫歸漫尉葉公城漫撫病餘黎不篡非已事不趨非
吾時人罵狂癡拙魯直更喜之或請陳漫尉壽尉蒲萄卮
酒行激懦氣攘袂起哨規君子守一官身官苟簡爲奈何
如秋葭信狂風離披漫行恐汙德漫止將敗機漫默買猜
謗漫言來詬譏漫尉謝答客願客深長息漫行無軌躅漫
止無馬轡漫默怨者寡漫言知者希吾生漫叟後不券與
之齊於戲獨如子因使目爲眉強顏不計返乾坤一醢雞

崑崙視槽堙既化不自知悔吝雖萬塗直道甚坦夷覆轍
索孤竹奔車求仲尼以旌招虞人賤者不官尸玉潤安可
涸日光安可緇斯言出繫表當以罔象窺賦分有自然那
用時世移吾漫誠難改盡醉不敢辭

按田 并序

余與晁端國斯道奉徽按馬鞍山東港河稻田陂官丁
誤引道左次水澤山溪徑危泥濘堅冰長幹挾馬僅可
以度行五十里遂不容馬步阻如虎迹新往來鳥鳥叢
噪荆榛盡日出入乃至河上集近山之農告以獻利者
皆以爲瀕水爲舍居旁治新田果蘇有畦桑棗成行自
山之東西皆不可爲陂港河原出四頭山支分爲三其一
一盡南出少折而東入舞陽其一稍西流又折而北入

石塘河其一港河也出山而東流卒與二水合而入汝
河汝河今漕河也吾二人旣臨河具知獻利者之狀而
余獨有感焉頃歲肉食者以羌 爲憂師老西鄙而士
大夫知與不知爭道孫吳覆軍殺將開 之輕量中國
心而富貴者今日比肩近者朝言多在民事欲化西北
之麥隴皆爲東南之稻田良吏攘臂起郡有召信臣縣
有史起矣夫土性者自先王所不能齊而一切不問薶
夫故苗灌爲新田茫茫水陂丘壘平盡其君子威以法
刑其小人毒以鞭朴有舉斯有功斯有賞作者之
議曰前日吏持印相授以媮眼前而厚利弃於蒼煙野
草之間是豈不可笑以余觀之恐是非特未定也觀朝
廷之意初不責必成奉承者要必有功遂失之耳語曰

事傳三人輒失其真詩曰周爰咨謀蓋使指也今也咨
謀者不慘怛以告者未忠信歟夫聽言之道必以事觀
之奪民之故習而強以所未嘗其利安在興利者受實
賞力田者受實弊郡縣行空文朝廷收虛名名爲利民
其實害之議者謂之有意於民乎吾不知也以爲有功
於民乎今旣若是矣予旣有是言思道屢歎而已是日
所至已遠不能歸遂宿水濱民家北風黃草破屋見星
月與晷五引酒相酌忽然已醉不知跋涉之勞也綴以
詩強息道和之

河水積崢嶸山雪晴索寞幽齋怯寒威况復出城郭馬爲
蝟毛縮人歎狐裘薄淤泥虎跡交叢社烏聲樂橋經野燒
斷崖值天風落洩雲迷鴻濛戴石瘦犂鬣攀緣若登天扶

服如入橐窮幽至河麋落日更槃礴新民數十家飄寓初
棲託壯產無情農荒榛盡開鑿臨流遣官丁悉使呼老弱
恩言諭官意鄣水陂可作春秧百頃稅秋報千倉穫掉頭
笑應儂吾麥自不惡麥苗不爲稻誠恐非民瘼不知肉食
者何必苦改作我行疲鞍馬且用休羈絡艱難相顧歎其
道折腰錯勢窮不得已來自取束縛月明夜蕭蕭解衣寬
帶索卧看雲行天北斗挂屋角析薪爨酒鼎興至且相酌
將歸葉先寄明復季常

初日照屋山好身呀簷角卷簾吏却掃齋舍寒蕭索呼兒
寫春醪期與夫子酌簡書驅我出衝雪凍兩脚莫行星輝
輝曉起雞喔喔青煙過空村商旅無遠索豈不欲少留王
事苦敦薄平生白眼人今日折腰諾可憐五斗米奪我一

溪樂公等何道遙睥睨寄講學談犀振清風碁局落秋電
雲陰愁濛鴻山路險聲礪慎無告歸軒使我數日惡羸驂
逆歸心旋津蹶霜凜悲嘶惜鄣泥短篋冷難捉南征喜氣
動迎面蛛絲落買網繪金橙歸償炊黍約

新寨餞南歸

初更月蝕缺半壁三更北風雪平屋夜寒置酒送歸客長
歌燕雁燈前落故園無書已十月目極千里雲水隔客方
有行乃未已歸且經予江上宅比鄰諸老應相問爲道於
今不如昔新知翻手覆手間故人江南與江北有時日高
天氣清炙背南軒把書策可憐斯人巧言語今已埋沒黃
土陌乃知生前傾意氣不用身後書竹帛往在江南最少
年萬事過眼如鳥翼夜行南山看射虎失脚墜入崖底黑
却攀荆棘上平田何曾悔念身可惜辭家上馬不反顧談
笑據鞍似無敵邇來多病足憂虞平地進寸退數尺意氣
索然成老翁所有鬚髮猶未白閒居爲婦執薪爨宿處野
人爭卧席昔壯今衰殆不如吾恐未必不爲福寄聲諸老
善自愛客行努力更強食門前種柳今幾長戒兒勿令打
鷄鵬不晚歸來躑躅間爲公置酒臨江閣

曉起臨汝

缺月欲曙曉鳥雞有期信征人催夙駕客夢未渠盡野荒
多斷橋河凍無裂豈羸馬踏冰翻疑狐觸林道清風蕩初
日喬木轉幽韻崧高忽在眼岌岌臨數郡玄雲默垂空意
有萬里潤寒暗不成雨卷懷就膚寸觀象思古人動靜配
天運物來斯一時無得乃至順涼暄但循環用舍誰喜愠

安得忘言者與講齊物論

戲贈陳季張

氣清語不凡郭與陳季優季子有美質明月懸高秋詞談
貫百家炙轂出膏油放聲寄大塊肆情無去留方圓付自
爾規矩爲瘡疣當其說荒唐衆口莫能咻書案鼠篆塵銜
蔬滿床頭居不省家舍那問犬馬牛吾嘗觀聖人與世爲
獻酬道通衆人行智欲萬物周微言觀季子頗亦有意不
季子捧腹笑吾豈搢紳囚我將乘扶搖南與大鵬遊相羊
九萬里厭則下滄洲黃子失所答如耕不能耰井蛙延海
驚樂事擅一丘束牲盟伯夷固自取抑榆無心以觸物愛
子如虛舟維楫苟不存傾覆當誰尤尚思濟來者非但自
爲謀

卽席

落葉不勝掃月明樹陰疎親鄰二三子樽酒相與俱霜栗
剝寒橐晚菘煮青蔬解官方就門敦薄無簡書純益氣蕭
蕭未羈天馬駒元禮喜作詩豪氣小未除大薛知力學日
來反三隅小薛受善言如以柳貫魚天民嘗逸駕近稍就
檝株知命雖畸人清談頗有餘阿虛快犢子規矩尚小殊
不材於用少我則澗底樗會合只偶然等閒異秦吳人生
一世間何異樂出虛過耳莫省領披懷使恢疎買網尚可
鱸倒壺更遣沽不當愛一醉倒倩路人扶

和舍弟中秋月

高秋搖落四十五清都早霜凋桂叢纖塵不隔四維淨寒
光獨照萬象中少年氣與節物競詩豪酒聖難爭鋒桓伊

老驥思千里尚能三弄當清風廣文陋儒嬾於事浩歌不
眠倚梧桐百憂生火作內熱何時心與此月同後生晚出
不勉學從漢至今無楊雄天馬權奇大宛種吾家阿熊風
骨聳言詩已出靈運前行身未聞孟軻勇明窓文字不取
讀蜘蛛結網塵堆壘少壯幾時夏已秋待而成人吾木拱
憐汝起予秋月篇我衰安得筆如椽但使樽中常有酒不
辭座上更無醴把詩問字爲汝說便當侯家歌舞筵

秋懷二首

秋陰細細壓茅堂吟蟲啾啾昨夜涼雨開芭蕞新聞舊風
撼簷簷宮應商砧聲已急不可緩簷景旣短難爲長狐裘
斷縫棄墻角豈念晏歲多繁霜

茅堂素索秋風發行繞空庭紫苔滑蛙號池上晚來雨鵲

轉南枝夜深月翻手覆手不可期一死一生交道絕湖水
無端浸白雲故人書斷孤鴻沒

四月末天氣陡然如秋遂御袂衣游北沙亭觀江漲
沙界人家報急流船官解纜正夷猶震雷將雨度絕磴遠
水粘天吞釣舟甚欲去揮白羽箠可堪更着紫茸裘平生
得意無人會浩蕩春鉏且自由

何造誠作浩然堂陳義甚高然頗喜度世飛昇之術
築屋飯方士願乘六氣遊天間故作浩然詞以贈
之

萬物浮沉共我家清明心水徧河沙無鈎狂象聽人語露
地白牛看月斜小雨呼兒藝桃李疎簾幃客轉琵琶塵塵
三昧開門戶不用丹田養素霞

答余洪範

懸磬齋厨數米炊貧中氣味更相息可無昨日黃花酒又是春風柳絮時

次韻任道食荔支有感

一錢不直程衛尉萬事稱好司馬公白髮永無懷橘日六年悵荔支紅

韓信

為黃幾復作

韓生高材跨一世劉項存亡翻手耳終然不忍負沛公頗似從容得天意成臯日夜望救兵取齊自重身已輕躡足封王能早寤豈恨淮陰食千戶雖知天下有所歸獨憐身與噲等齊崩通狂說不足撼陳豨孺子胡能為子嘗貫酒淮陰市韓信廟前木十圍千年事與浮雲去想見留侯笑

是非丈夫出身佐明主用舍行藏可自知功名邂逅軒天地萬事當觀失意時

以右軍書數種贈丘十四

丘郎氣如春景晴風暄百菓草木生眼如霜鵲齒玉冰擁書環坐愛窓明松花泛硯摹真行字身藏穎秀勁清問誰學之果蘭亭我昔頗復戲墨卿銀鈎蠶尾爛箱籠贈君鋪案黏曲屏小字莫作癡凍蠅樂毅論勝遺教經大字無過瘞鶴銘官奴作草欺伯英隨人作計終後人自成一家始逼真卿家小女名阿潛眉目似翁有精神試留此書他日學往往不減衛夫人

贈別幾復

風驚鹿散豫章城邂逅相逢食楚華佳友在門忘燕寢故

人發藥見平生只今滿坐且樽酒後夜此堂還月明契濶
愁思已知處西山影落莫江清

趙令許載酒見過

玉馬何時破紫苔南溪水滿綠徘徊買魚斫鱸須論網撲
杏供盤不數枚廣漢威名知訟少平原樽俎費詩催草玄
寂寂下簾幙稍得閒時公合來

和答趙令同前韻

人生政自無閒暇忙裏偷閒得幾回紫燕黃鸝驅日月朱
櫻紅杏落條枚詩成稍覺嘉賓集飲少先愁急板催親遣
小童釵草徑鳴騶早晚出城來

趙令答詩約攜山妓見訪

晴波鷓鴣漾潭隈能使遊人判不回風入園林寒漠漠日

移宮殿影枚枚未嘗綠蟻何妨撥宿戒紅粧莫待催缺月

西南光景少仍須挽一作擔取燭籠來

春近四絕句

閨後陽和臘裏回濛濛小雨暗樓臺柳條榆莢弄顏色便
恐入簾雙燕來

亭臺經雨壓塵沙春近登臨意氣佳更喜輕寒勒成雪未

春先放一城花

小雪晴沙不作泥疎簾紅日弄朝暉年華已伴梅梢晚春

色先從草際歸

梅英欲盡香無賴草色才蘇綠未勻苦竹空將歲寒節又

隨官柳到青春

迎醇甫夫婦

陳甥歸約柳青初一作昏醉 麥隴纖纖忽可鉏望子從來非
一日因人畧不寄雙魚園中鳥語勸沽酒窓下日長宜讀
書策馬得行休更秣一作遠嫁蕭 已令童稚割生芻一作
行李莫徐徐

登南禪寺懷裴仲謀

茅亭風入葛衣輕坐見山河表裏清歸燕各無三月事殘
蟬猶占一枝鳴天高秋樹葉公邑日暮碧雲焚相城別後
寄詩能慰我似逃空谷聽人聲

夏日夢伯兄寄江南

故園相見峇雍容睡起南窗日射紅一作相攜猶聽隔溪
詩酒一年談笑隔江山千里夢魂通河天月暈魚分子樹
葉風微鹿養茸幾度白沙青影裏審聽嘶馬自摺帶一作

倚門愁絕處可 水斷去時鐘

同孫不愚過昆陽

田園恰恰值春忙驅馬悠悠昆水湯古廟藤蘿穿戶牖斷
碑風雨碎文章真人寂寞神為社墜壘委蛇女採桑拂帽
村帘誇酒好為君聊解一瓢嘗今昆陽有水俗號灰河圖
不然正在昆陽城南恐是昆水地理志言昆水出南蠻是

題雙息觀

飄蕭閱世等虛舟一作人世 歎息眼前無此流滿地悲風
盤翠竹半叢寒日破紅榴青山空在衣冠古一作不逐 白
鶴不歸一作 宮殿秋王令平生樽酒地千年萬歲想來遊

雪中連日行役戲書簡同僚

簡書催出似驅雞聞道飢寒滿屋啼炎背宵眠搢袖火嚼

水晨飯薩波菴風如利劍穿狐腋雪似流沙飲馬蹄官小
責輕聊自慰猶勝環甲去征西

客自潭府來稱明因寺僧作靜照堂求予作

客從潭府渡河梁籍甚傳誇靜照堂正苦窮年對塵土坐
令合眼夢湖湘市門曉日魚蝦白隣舍秋風橘柚黃去馬
來舟爭歲月老僧元不下胡床

道中寄景珍兼簡度元鎮

傳語濠州賢刺史隔年詩債幾時還因循樽俎疎相見弃
擲光陰只等閒心在青雲故人處身行紅雨亂花間遙知
別後多狂醉惱殺江南庾子山

喜念四念八至京

朔雪蕭蕭映薄幃夢回空覺淚痕稀驚聞庭樹鳥鳥樂知

我江湖鴻雁歸拂榻喜開姜季被上堂先着老萊衣酒樽
煙火長相近酬勸從今更不違

講武臺南有感

月明猶在搭衣竿曉踏臺南路屈盤騶子雨中先馬去村
童烟外倚牆看鴉啼宰木秋風急鷺立漁船野水乾花似
去年堪折贈插花人去淚關于

卷之九 六十九

去年其池韻賦其人志遠關于

童眼心謝謝春賦朝宰木好風急覺志煎流渾木算非以
且用辭亦谷交字謝謝臺南翠臥盤盤于雨中共思去林
韻去臺南首句

聖人其林茂順慶發今更不盡

矣五臨賦韻謝謝喜開美善婦上堂夫養安來來既既

